



安徽通志

ル 5
1575
75



1878
78



重修安徽通志卷二百二十六

人物志

文苑五

甯國府

南北朝紀義宣城人著有宣城記一書今散見於荆楚歲時記

注及北堂書鈔初學記藝文類聚太平御覽太平寰宇記諸書

章世澂洪廬江祀典徵實卷下據云紀義時代失詳以其書中地理考之在陳隋前 新增

唐劉太沖宣州人博洽工詩顏真卿守平原辟從事為畫策拒

安祿山其弟太真善屬文舉進士淮南陳少游表掌書記與元

初為河東宣慰賑給使遷刑部侍郎貞元四年九月詔宴曲江

帝自為詩敕宰相擇文人賡和李泌等請羣臣皆和帝自第之

以太真為上真卿送太沖敘有云才不偶命而德其無鄰又云

鄂不照乎移華龍驥驤乎雲路則公山正禮策高足於前冲與

太真嗣家聲於後

唐書劉太真傳 顏平原集

王炎宣州人工詩嘗遊蜀李白為劍閣賦贈之及卒又哭以詩

曰王公希世寶棄世一何早

李太白集

汪遵涇縣人幼為小吏咸通七年成進士初鄉人許棠有名於

時遵工為絕句詩深自晦密以家貧難得書必借於人徹夜強

記棠實不知一旦辭役就貢棠時先在京師偶送客至灞澆遇

遵於途行李索然棠訊之曰汪都何以至此都者吏之呼也遵

曰此來就貢棠怒曰小吏不忖而欲與棠同硯席乎遵竟先成

名五年棠始及第著有詩一卷

唐才子傳

許棠字文化涇縣人咸通中與張喬鄭谷等稱十哲嘗賦洞庭

詩有云四顧疑無地中流忽有山人以題扇遂稱許洞庭累舉

不第及咸通十二年高湜知貢舉士多請託權貴湜抵帽於地

曰吾必以至公得譴分也棠始得第授本縣尉進江甯丞後退

隱九華山

後退句舊志池州府流寓引一統志文今移并

著有文化集一卷

唐詩紀事

顧蒙宛陵人博覽經史深究內典屢為浮圖碑做歐陽率更筆

法淮浙荒亂避地至廣州困於旅食書千字文以換斗筲之資

未幾疾卒蒙頗窮易象著有六順圖三卷韋莊嘗請追贈不及

第人蒙與焉

摭言

南唐刪釐宣城人工屬文江南承唐末文體纖麗之弊士率不

能自振釐獨不事華藻以理趣為本晚厲風操尚信義一言之

出必復而後已常蓄龍尾硯友人欲之而未言釐心許之未及

尋一日友人不告而歸釐徒步數百里追及授硯而還後主末

始登仕版唐亡不復謀仕宋開寶中薄遊汴京樊若水欲薦於

朝鼇恥之歸隱廬山而卒南唐書本傳

邵拙宣城人孤峭不撓博通經史有詩百篇曰廬歎集又有手

鈔史傳文集三百卷十國春秋本傳

宋邱旭字孟陽宣城人弱冠始讀書習為辭章南唐後主時試

厚德載物賦擢第一唐亡入宋呂蒙正判銓久習旭名問曰若

非能為賦者乎謂為古人乃並世耶薦授令錄遷京秩卒於衡

州嘗纂古名賢遺言為賓朋宴語行世其詞賦得故唐程度體

時人取以為法十國春秋本傳

梅堯臣字聖俞宣城人詢從子用詢蔭為河南主簿錢惟演畱

守西京特嗟賞之引與酬唱一府盡傾歐陽修自謂不及大臣

屢薦宜在館閣召試賜進士出身為國子監直講累遷尚書都

官員外郎預修唐書未奏而卒寶元嘉祐中仁宗有事郊廟輒

獻歌詩著有注孫子十三篇撰唐載記二十六卷毛詩小傳二

十卷宛陵集四十卷有人得西南蠻布弓衣其織文乃堯臣詩

名重於時如此宋史本傳

汪洙字仲容旌德人少從胡瑗學易又學於王安石安石著三

經義傳洙與其議熙寧太學成分錄學政登元豐乙丑進士累

遷國子祭酒為大司成議學制不合以顯謨閣學士知婺州提

舉崇福宮卒洙自布衣至大司成官以儒名者三十年著有詩

書孟子解義二十卷文集二十卷樂章一卷詔誥三卷子伯虎

朝散大夫知興化軍洙以子恩累贈少保宋史本傳汪藻所撰神道碑

鍾世美字公實旌德人元豐初遊上庠獻書萬言大略論教化

未宣法制未備守令不擇舊疆未復書入上亟嘉獎出示大臣

授將仕郎充學正累遷至諫議大夫著有陵陽集子邦直通判

舒州府志

孫覲字仲益太平人崇甯間以進士授中書舍人靖康時侍欽

宗如青城金以二帝北去而歸覲與馮澥曹輔等高宗中興安

置歸州赦還又謫象郡未幾擢知臨安調平江累官至戶部尙

書晚與朱子交嘗手書與覲辨析義理又來訪其遊獅山書秀

陰二字鐫諸石覲嘗提舉鴻慶宮所著有鴻慶集甯國府志

詹步字叔東涇縣人其先世友直友端直登政和進士居涇端

領政和鄉薦徙宣城步直裔也少好學善詩文典雅風騷以特

奏得仕甯國府志

周紫芝字少隱宣城人紹興中登第歷官樞密院編修官知興

國軍自號竹坡居士所著有太倉稊米集竹坡詩話初秦檜愛

其詩頗厚遇焉後和御製詩云已通灌玉親祠事更有何人敢

告猷檜怒其諷已出之文獻通考宋詩紀事

李宏字彥恢宣城人政和五年進士歷官轉運使宣和初知旌

德縣時州郡多故宏招集鄉勇訓練有方建炎間盜張遇寇江

上知有備不敢犯宣和以下舊志名宦引一統志文今移并呂好問知宣州每燕集

詹友端周紫芝王相如等宏必與俱宏博習羣書卒後一年帝

問淮西漕李宏在否執政言物故上嗟惜久之同邑李璠亦能

詩其所著並見宛陵羣英集甯國府志

鄭魏挺字景烈甯國人父可與從父吏部郎中升同師延平徐

誠叟得聞楊時緒論魏挺早承家學登嘉定甲戌進士調分宜

尉江淮提舉司幕杜絕餽遺引疾歸臺章交薦除國子監書庫

官力辭不受隱居九龍山西園者十五年稱西園老圃年八十

卒著有視身粹言二卷讀書通說五卷子希聲亦舉進士甯國府志

汪注字東之旌德人咸淳四年進士官池州青陽簿六年棄官歸益肆於學經史百家無不該洽著有中庸演說大易衍義子

甯國府志

曾文溫州路儒學教授

汪昌壽字伯敘旌德人咸淳元年進士先以能賦聞既讀易心

會其微初調金陵戶曹改秩浙西帥司主管機宜文字杭州失

遂歸至元申請典鄉校與叔注協志訓誘著有心易詳說鐵崖

自娛集東林叩角集講義雜文數十卷子惟賢徽州路儒學教

甯國府志

元貢奎字仲章宣城人爲齊山書院山長時方議行郊祀禮奎

討定之朝廷多採其說遷應奉翰林纂修成宗實錄終集賢直

學士謚文靖著有雲林小稿聽雪齋記青山漫吟倦遊集豫章

稿上元新錄南州紀行凡百二十卷

元史貢師泰傳

貢師道字道甫奎之姪也舉茂才累官翰林待制國史院編修

時奉旨修宋金遼三史丞相託克託總其事欲以遼金爲正統

師道奮筆議曰本朝得上承中國帝王之統而與唐虞三代漢

唐齊稱者以承宋耳則正統在宋不在遼金也議遂不行然亦

以此忤時出補嘉興路治中上下憚其嚴明

甯國府志浙江通志

劉鑄字禹鼎南陵人其父自蜀來宦遂家焉鑄登至治辛酉進

士歷安慶路推官知南豐州多惠政工詩其題高尚書房山畫

詩格極蒼勁最有名於時

甯國府志

凌希惠字季和涇縣人嘗寓宣城與諸名士爲吟社其賦古鏡

與雲松樓詩最有名同邑倪水西官本路教授亦工詩與希惠

齊名

宛陵羣英集江南通志

郭雷煥字有章涇縣人由薦辟任池州路教諭又爲饒州教授

能詩尤工駢儷時稱郭四六嘗送趙孟頫應召及題施氏芳遠亭詩傳誦於時

宛陵羣英集

張師愚字仲愚甯國人好學工詩兩領鄉薦撰梅堯臣年譜多所摭引與弟師曾並從汪澤民遊與澤民共編宛陵羣英集上起宋初下迄元代凡二十八卷澤民禮下之嘗稱平生畏友有

二張云子知言亦以詩名

四庫全書提要 甯國府志

汪文龍字濟卿太平人弱冠舉茂才任旌德銅陵文學掾歷常湖鉛山等教諭循循善誘與人言若不出口而踐履多弗能及同時歐陽虞揭輩皆贈詩推重汪澤民比之漢伏生云所著有韻書撮要卒祀鄉賢

甯國府志

汪珍字聘之太平人隱居黃山博學工詩盧摯雅重之汪澤民一見心服稱為南山先生

江南通志

呂枋字汝芳旌德人工詞賦至元間避地新安辟紫陽書院山長又辟攝錄事並辭不就後以文行舉采石書院山長設教詳

明士皆悅服著有桂芳家集采江吟稿

甯國府志

明鄭桂芳字時舉涇縣人洪武中以薦為錢塘令辭去所著存樂清集徐大章謂其有太白胸次

甯國府志

胡恆字守中涇縣人官教諭與宋濂善濂稱其學該才雄文如春華秋藻卿雲甘澤鏗鏘叶律尤篤於信義有館人遇兵投恆恆舍之割糧與其已而涇亂室廬遭焚友有寄黃金者恆腰之出走事定友以兵亂勿問恆自詣而還之

宋學士金華集

鄭澗字用常涇縣人永樂甲申進士初擬第一以策礙靖難事置第二選庶吉士改禮科給事進戶科都給事以忤旨歸工詩不假修飾而風旨高亮著有玩易軒集

甯國府志

姚裕字克寬旌德人宣德乙卯舉人授嚴州訓導遷國子監助

教升翰林檢討工書善文詞著有名山雅編傳於世同邑王瑄

字俊溫乙卯舉人善屬文尤精毛詩正統初授嚴州訓導遷遠

東前屯衛教諭歸修縣志著有文集甯國府志

貢欽字元禮宣城人成化庚子解元甲辰進士歷官文選郎出

為順德知府詩文豪宕所著有湖亭集李東陽程敏政亟稱之

有秋水芙蓉之目宣城事蹟 萬姓統譜

貢汝成字王甫宣城人正德癸酉舉人嘉靖初預修祀儀成典

及獻郊廟賦並賜金帛授翰林待詔預校錄經史上復古治策

十五事章聖太后喪兩疏請復三年制不報卒於官著有三禮

纂注四十九卷宣城事蹟 江甯舊志

黃文魁字君仲甯國人官廣西慶遠府知事有惠政喜吟咏能

自出新意不經人道著有槐軒集甯國府志

梅鶚字百一旌德人正德丁丑進士與弟鶯齊名為文援筆立

就未仕而卒著作散佚惟鳧山集四卷行世弟鵬亦工詩鶯子

元豐以貢判臺州曾刪訂十七史江甯通志 甯國府志

左鑑字應衡涇縣人嘉靖壬辰進士授南戶部主事晉尚寶卿

管誥敕復以本職同修宋史校正五經四書性理大全會肇開

明堂行大饗禮景雲見鑑作賦以上世宗大稱賞未幾卒年僅

三十二著有風光軒友竹亭稿萬姓統譜

王廷幹字維貞涇縣人七歲能文讀書日以寸計嘉靖壬辰進

士年僅十七奉詔歸娶授行人累遷九江知府乞休歸鍵戶著

述一切碑版皆出其手有集十卷行世子文燿字形中萬歷壬

辰進士官刑部主事亦能詩江甯通志

趙善政字以德涇縣人隆慶辛未進士知仙居縣政恬訟息令吏日鈔唐詩以俟評選累官至廣東副使以外艱歸不復起著有賓退錄仙東詩稿養志餘編涇縣志

孫攀字士龍宣城人長於記問嘗得周禮古本徧考諸家折衷為一書名周禮釋評與貢汝成纂注三禮後先相望稱博洽焉

江南通志

沈懋學字君典宣城人工草隸善騎射及詩歌古文萬曆丁丑進士第一授翰林修撰嘗應詔賦宣宗元免圖稱旨眷遇日隆會張居正奪情趙用賢吳中行以疏論廷杖懋學疏救格不入遂引疾歸扁舟野服放浪西湖茗雪閒崇禎時追諡文節明史本傳梅守箕字季豹宣城人豪宕善屬文援筆立就家貧能緩急人皆異之著有居諸集子元祚從子蕃祚臺祚皆善詩文王世

貞贈詩云從誇荆地家家玉不及梅家樹樹花蓋謂諸梅之競秀也靜志居詩話

江南通志

湯賓尹字嘉賓宣城人萬曆己未會元廷對第二授編修仕至祭酒以制舉業名天下著有睡菴詩文集甯國府志

梅鼎祚字禹金宣城人生而癯甚父守德甚憐之欲焚其筆硯乃匿帳中默誦幼與沈懋學善懋學魁天下鼎祚乃棄經生業以古學自任文詞雅贍海內知名閣臣申時行欲以文徵明故事疏薦辭不赴歸隱書帶圍構天逸閣藏書著有鹿裘石室集生平刻書甚富有古樂苑唐樂苑歷代文紀漢魏六朝詩乘書記洞詮等書凡數百卷孫朗中字朗三工詩古書畫輯唐以前賦為賦紀五十卷著有書帶圍集十六卷又孫超中從孫磊並知名皆有集行世靜志居詩話
甯國府志
江南通志
甯國府志
文苑

吳伯與字福生宣城人萬曆癸丑進士授戶部主事歷員外郎

中出為浙江參議兼廣東副使伯與晚達故得博極羣書工古

文詞著有素雲齋集董其昌以為體齊梁之綺靡兼燕趙之悲

壯又所輯有名臣奏疏事函文函等書行世明詩綜小宛雅

張應泰字大來涇縣人髫年時巡撫林潤試闈郡士經義外有

中官不得干朝政疏閱應泰卷驚曰異才引為小友成萬曆壬

辰進士授泰和令累官至泉州守吏民斂戢盜不入境後為吉

安守未蒞任卒著有越游草藝葵園草白門草孤村遺鈔晚

香亭稿史疑諸書福建通志甯國府志

張一卿字次公涇縣人七歲能文淹貫經史連中副車入南監

祭酒李維禎目為汪元美汪伯玉之流居南郊杜門著書有五

經講義春秋三傳節義續史疑四六綺合古今表箋諸書甯國府志

劉永麟號象衡南陵人萬曆乙卯舉人授通判以母老不仕所

著有詩賦文集尤敦氣節甯國府志

許以忠字君信南陵人性孝嘗鬻臂血以療父病以儒士歷任

戶部主事工駢儷文名在屠赤水王百穀諸人右所選四六盛

行於世著有愛日齋詩集甯國府志

沈有則字士範宣城人懋學子也萬曆庚戌進士官行人疏請

建儲詞甚切至後奉命使楚奉母南歸母卒於道有則日夜泣

血遂繼卒所著有紫烟閣集皆有本之言甯國府志

劉仲達字九遠宣城諸生著類書百餘卷行世一時莫之能先

甯國府志

鍾震陽字百里宣城人年及艾猶困童子試崇禎庚午辛未始

聯捷鄉會知山陰縣築塘捍海民便之祠於海壩有集行世甯國府志

府志

秦邦修字道源南陵諸生宏詞亮節為世所推重尤留心經濟之學南陵糧稅舊有二十四等那移隱漏弊竇百出邦修草疏使俞用美詣闕奏之釐正丈量邑賦得均厥績尤偉甯國府志
王宏道字子能南陵選貢授平涼府推官改任樂平歷官清介致仕歸民頌之曰歸囊此處無他物惟帶昭山一點青平生研精性學尤長於詩有集行世卒年九十四甯國府志
崔廷宏字銘誠太平人從羅汝芳王畿遊精研性命之學與焦茲結社金陵著有水火解分上下內外天人三篇探幽抉奧直入南華之室陳繼儒施鳳來為序以行世甯國府志
舒宏諤字士一旌德增廣生博學工文造就後進多知名者所著有古今全史便覽易經去疑諸書同邑諸生姚懋忠性孝友

著有旌川乘書甯國府志

仙作舟字本初甯國人八歲能文工書尤善畫竹年僅三十卒所著有淮南鴻烈解補注大易內外爻象辨說繫辭說解摘藻揆英等編甯國府志

王文煒字閣仲更名遯初字于寅旌德歲貢所著天文論晉江張瑞圖歎為異才其于寅寸書五十卷內有梓山鼠餘左國詳評五經肯周易吃四書句諸集行世甯國府志

劉振字自我宣城人慷慨善持論范景文巡撫河南振以布衣上書由是知名尋返金陵鍵戶著述輯明三百年實錄旁稽野乘裁以己意名曰識大錄子易字望之徙居河南著有擬騷并詩文集江南通志甯國府志

胡世及字伯承涇縣人明末復社諸人並爭聲氣世及淡於名

利鍵戶著述以舉人官國子監丞鼎革後棲身巖阿不談時事年八十卒著有纍餘嶽觀堂清航居諸稿甯國府志

萬應隆字道吉涇縣人崇禎己卯舉人名動一時與沈壽民劉城吳應箕沈士柱趙司直等倡南社張溥倡復社於吳門應隆

率諸士與之合激揚聲氣為權貴所忌馬阮修舊怨隱而得免鼎革後故交達官多薦之弗應著有三峯傳稿史論及詩文集

同邑名在復社者有王微字慎五著亦世堂集趙司直字維生著敬閣集敬閣襟志朱苞字以九著半菴集些子會心應隆弟

麟字道瑞著松虬集葉令樹著有桓城五帙甯國府志涇縣志趙崇禮字谿叔涇縣人七歲工書比長深入二王之室尤工畫

蘭詩文清雅而皆為書名所掩平生渾穆冲淡篤於知交親故知之者嘗有書不如詩詩不如人之歎今所傳有文燕齋遺稿

甯國府志

汪念顯宣城庠生工詩文著有世道忠言同邑諸生俞綬著有

湖影詩文集六十卷甯國府志

陳天德太平歲貢知高安縣著易論五十篇弟天爵萬歷舉人著四書皈正篇同邑項陞歲貢知樂陵縣以清介聞著述甚富

焦文臣廩生性孝友母事嫂子蓄姪著有燕臺筆記項應選增生著有易測篇甯國府志

國朝梅巨儒字謏聞宣城人早棄舉子業盡讀藏書乃做通鑑目錄皇極經世編年體為史鑑大事錄一書又著左傳發明及訂

正諸家詩古文辭百餘卷平生篤於行誼事母至孝鄰有鬻妻贖罪者為傾囊以濟之得完一統志甯國府志

唐允甲字祖命宣城人明末徵江左鉅儒充中書之選閣臣高

宏圖薦爲舍人一時辭命多出其手會權臣披剝善類遂遜迹
溪山著有詩文數十卷老年以書名海內得之者如獲拱璧

甯國府志

戚懋字穉含宣城人崇禎閒遊都下適司禮監王某奉命巡邊

延爲參謀徧歷酒泉張掖等郡憑弔山川詩文盈篋既復命當

授通判棄歸尋入浙幕順治初浙閩內附授龍泉教諭告歸與

唐允甲飲酒賦詩既老而詩益工

甯國府志

梅士鉉字象先宣城太學生自周鼓秦碑以逮蟲魚草木地輿

醫卜之籍靡不窮究尤豪於詩伯仲早世撫諸孤如慈母尋以

兄子事冤繫五年盡毀產以紓難無幾微見於詞色晚爲潛山

縣丞著孤山八集行世子靚字清老好詠耽遊自寫性靈不一

語借人牙慧著有風聲集客吟臥吟餘吟二十卷

甯國府志

吳鏐字若金宣城郡庠生少與沈壽民齊名吳中錢禧亟引重

之詩尤清拔著有浮筠軒集弟垌字季野邑諸生謝舉子業一

意古文力追周秦兩漢以上有集四卷

甯國府志

張延世字子尉宣城人七歲能吟咏長益肆力羣籍所學日富

行誼愈高幼失恃事父極孝父卒哀毀幾不勝喪與異母弟同

居數十年無閒言姊少寡子甫四齡值兵亂挈之以避終獲保

全所撰著不下數十種晚以明經爲宿松訓導卒年八十四同

族有諸孫一盈者亦好學能文五經俱有注解並散佚惟存春

秋畱傳十餘卷

甯國府志

孫于王字羽辰宣城庠生絕意進取寄情山水其詩有風號雨

溢海嘯山奔之致磊落動人所著有萍菴集

甯國府志

唐益字朕虞宣城人博通古籍學使李來泰極重之順治康熙

中三中副車竟以明經終老著有自怡集宛雅甯國府志

盛於斯字此公南陵人工詩古文詞往來金陵維揚間與諸名

士相結納歸而目眚家益貧侷僚憤鬱一寄於詩初大梁周亮

工未遇時與友善於斯曰子非長貧賤者異時擁節過吾廬當

謁吾母題吾墓後周為江安糧道於斯死矣為設位哭之甚哀

遂買石手書以表其墓贍恤其母為刻其遺稿周亮工所作傳江南通志

何一化字生伯南陵人工詩文施閩章稱其詩清真閒遠深得

風人之體著有瑟齋詩集甯國府志

吳維駿涇縣人順治丁酉舉人是科詔覆試賦春雨二十韻維

駿擅場都門傳頌成康熙戊戌進士著有四書講說甯國府志

許允成字展也南陵人順治戊子舉人授潁州學正後補金壇

教諭卒於官著有龍巖集甯國府志

翟士鼈字永維涇縣歲貢所著有鑿餘天集其闢釋道二辨直

追蹤原道本論諸篇子藹庠生著有九畹史論及詩文集甯國府志

杜名齊字朋季旌德人少從沈壽民遊不事科舉業著有東園

草堂集甯國府志

翟賜履字非熊涇縣諸生經史外凡可經世者無不博覽工詩

善書尤便弓馬嫻技擊最有名於時著有清閣詩選甯國府志

梅清字淵公宣城人順治甲午舉人工詩善畫寫松尤入神品

周覽燕齊梁宋之間所至傾倒王士禎徐元文極推重之著有

天延閣前後集瞿山詩略嘗寫黃山峯十二幅雲烟變幻蒼秀

雄拔見者無不驚歎居易錄甯國府志

梅庚字耦長宣城人少孤力學善八分書山水入逸品尤長於

詩施閏章一見引為忘年交康熙辛酉領鄉薦屢困公車王士禎主禮闈復被黜士禎作詩自咎有如何古戰場亦復失李華之句尋知泰順縣邑苦歲修海船庾涖任五年累不及民嘗作修船謠人比之春陵行未幾以老告歸著有漫與集聽山詩鈔

一統志甯國府志

袁啟旭字士旦宣城諸生工詩而好遊宋寶穎序之以為惟梅村可以方駕近則其年得其豐腴漢槎有其英概其推服如此著有中江詩鈔從弟又安亦有詩名

宛雅甯國府志

王之績字懋功旌德諸生沈靜好學所著鐵立文起丹徒張相國玉書曾為序其簡端其五經人物志三十卷惜不戒於火遂致散佚

甯國府志

高詠字阮懷宣城人書畫詩世稱三絕與同里施閏章同主盟

騷壇者三十餘年號宣城體康熙己未以博學宏詞授翰林檢討充明史纂修官積勞成疾告歸卒著有蕭江遊草遺山詩集

及若巖堂全集五十卷

一統志江南通志

茹薦馨字楚畹宣城人康熙己未一甲三名進士授編修分輯五代史及易經講義蜀平獻詩

聖祖深加獎勵早卒著有畫溪堂稿

江南通志

孫卓字予立宣城人康熙己未一甲二名進士授編修淹通經史敦崇氣誼癸亥奉使冊封安南卒於粵西道中著有殘社齋稿

一統志

沈泌字方鄴宣城人壽薨子也幼孤力學博聞強記康熙己未當事以博學宏詞薦為忌者所沮遂以諸生終所著甚夥惜沒後為人所竊不傳

宛雅

湯偉字駿公宣城人年四十始應試中康熙庚午舉人一試禮部不第遂徧眺名山大川出口外雜部落騎射為樂凡十八載始歸年已七十授江陵教諭一富商與諸生訟學使右商偉堅執不從學使怒其強項偉曰惟教官當如此強項耳後遷國子典籍以老告歸年九十三卒著有性解仁說易準注離騷經貫等書從弟拔貢廷麟偉所著多取定焉甯國府志

程元愈字偕柳自歛徒宣為邑廩生性孝友為文悉本六經朱彝尊王士禛皆亟稱之著有儷體文鈔昭明詩選輯注江南通志

鄭相如字漢林涇縣人康熙庚子副榜少穎異八歲通經長愈博貫經史當事以博學宏詞薦數奇不遇所著有四子圖書學貫四靈通考及詩文集凡數百卷子文熊舉人著有白灘集甯國府志

涇縣志

梅兆頤字淑伊宣城庠生性孝友詩古文詞見稱於時書法圖篆皆能入古曾以博學宏詞薦著有春秋紀事始末花谿詩文等集甯國府志

湯友信字誠齋太平廩生雍正丙午大學士孫文定嘉淦為督學時以人品端方薦授浙江嘉興知縣生平力學以踐履篤實為要著有學庸口義易經集解朱子四書或問記疑等書太平縣志

楊廷柱字礎珍宣城人雍正乙卯舉人為文根極理要淡於仕進年八十餘講論不輟以國子典簿銜終弟廷棟成進士官編修廷楷廷標皆舉人廷機邑庠生同懷五人才名並噪甯國府志

葉沃若字千里涇縣人博通經史晚精推步之學自製量天尺以測星辰躔次靡不合乾隆辛未會試中式榜發已卒於京邸人皆惜之所著有壺中嘯詩文集甯國府志

陳桂林字枝一涇縣副榜官建德教諭勤於督課所著四書述

陸輯言雖云述陸多出己見足以羽翼平湖同族陳麟書乾隆

庚午舉人著有四書困知錄甯國府志

洪均字鳴佩甯國人不樂仕進遊於吳與沈德潛等友善德潛

所選古詩源多資贊訂著有東岸吟稿甯國府志

胡承福字備五涇縣人中雍正癸卯副榜垂二十年始領鄉薦

嘗纂輯四書審問錄二十四卷又成四書撮二卷中載朱陸異

同辨別儒釋宗旨尤為精闢甯國府志

施念曾字得仍宣城拔貢侍讀施閏章孫雍正十二年知興甯

縣乾隆丙辰巡撫楊永斌薦舉博學宏詞試而未用二年回任

修學宮葺城濠建書院以祀韓蘇復刪纂邑乘歷宰粵緊縣有

巨豪憑其城社杖而錮之令新會嘗葺陳白沙祠所至聚書雖

在官衙不廢稽古後遷知河南禹州被誣解官未幾卒歸裝蕭

然廣東通志

沈聚奎字星五宣城人乾隆庚辰舉人究心經術於疑義多所

發明所著有西垣史論及西垣辨說等書行於世甯國府志

童升秀字書升南陵人少力學無書不讀尤精於史著有僭國

要覽拾史唾餘甯國府志

劉握字天一南陵人幼而盲以耳受書著作甚夥其算學三法

一書直捷指點大興朱文正珪撫皖時為序行之甯國府志

趙良震字修遠涇縣人乾隆庚午舉人父青藜官御史未歸震

率諸弟讀書古寺杜門不出平生方正嚴毅人間履聲輒畏而

避之著有耕氓集弟良霖丁卯舉人著有竹巖集良壽邑增生

尤善古今體詩能書工畫著有臺巖詩鈔甯國府志

江濬字晴川旌德人乾隆丙子舉人工詩古文詞尤根極於理

窟誦法程朱無少出入著有四書解語諸經集解南華輯評孝友堂詩文集

旌德縣志

翟大程字雲九涇縣人父思睡以廩貢司訓臨淮著有耕墾文集閒游詩草大程成乾隆庚辰進士由中書出為廣東知縣性恬退遂乞休歸著有抱瓮齋集羅浮紀遊詩及桃花潭文徵行

世甯國府志

呂潮元字善伯旌德人少受學於任啟運儲大文沈酣經籍博涉史傳著有經傳箋注相業彙纂及律呂方輿井田圖攷百餘

卷旌德縣志

趙守勳字書常涇縣增生善屬文尤工於詩上自漢魏下迄元明諸家無不鑽研嘗客游於秦著有秦游草一編登高弔古

挫激昂人比之少陵入蜀有甄溪集行世

涇縣志

胡承譜字韻仲涇縣人乾隆壬申舉人為廬江訓導上元教諭

皆有聲著有春秋五測隻塵譚續隻塵譚及元峯詩鈔行世同族胡元輝字乾九讀書自經史外諸子百家無所不窺所輯有

子貫一書其所自著有石門集子貫附言

甯國府志

袁穀芳字貫堂宣城人乾隆壬申舉人官震澤訓導善古文筆力在介甫老泉之間著有秋草文隨歸塵詩稿

甯國府志

趙帥字元一涇縣人乾隆壬午

聖駕南巡召試二等是秋領鄉薦官鎮江府訓導著有偉堂詩鈔三十

卷袁枚王昶為序行之後官安肅知縣以事罷歸

涇縣志

梅馥字至靚宣城庠生少貧力學潛心理窟著有易義別觀太極圖說詳解洪範皇極內篇本義三傳本義周禮集解

甯國府志

江銘字西文旌德人乾隆乙未進士經史百家無不鑽研著有

四書精義旌德縣志

陶敬信字涵一南陵優貢學務實踐著述甚富學使鄭江以忠

信端謹畱心經學保薦以所著周禮正義進呈

御覽蒙

恩哀諭明晰平妥

賜緞二疋在三禮纂修館行走載入學政全書為諸生鼓勵書成議敘

懷遠訓導卒於官甯國府志

章孺覺字味漪宣城歲貢善讀書精考據嘗著九州疆域考為

一時名流推賞平生著作甚富當塗黃尚書鉞為序而行之甯國府志

趙友廣字穎存涇縣諸生絕意進取專精於詩所輯有選詩傾

液錄蘭石詩鈔流播藝林其所自著有嬾雲詩鈔三卷卒年八

十甯國府志

崔應爵字斯吉太平歲貢工詩古文人品端方尤足為鄉里式

所著有脊菴詩文集太平縣志

趙敬字聖源乾隆庚寅舉人殫心述古老而愈篤所著有交象

管見拙齋論古二書行於世太平縣志

胡先抱涇縣人乾隆癸卯舉人通經史善詩古文詞著述甚多

不自收拾多散佚卒後其子庶常世琦輯所存為萬里集甯國府志

陳寶泉字鳳石涇縣人乾隆己酉舉人任淮安訓導後任石埭

教諭卒於官平生篤志力學經史百家皆手錄成帙著有孟子

時事考徵禮書旁通十二卷行世其毛詩述聞三十卷周易廣

義三十二卷路史補箋十二卷又所輯粹精叢書六十種皆繕

寫存於家

涇縣志

吳大昌字世其涇縣廩貢以試用訓導署和州學正工詩古文詞著有北蘿詩鈔一卷賦存一卷歷陽集一卷祭酒法式善嘗稱其勵學六篇足見平生心力其四書通詁二十五卷周易纂詁六卷老蠹叢談二十卷皆繕寫藏於家

涇縣志

朱望霖字澤南涇縣歲貢肆力經學凡漢唐注疏皆手自摘鈔輯有一經樓隨筆待梓中年後遭遇酷貧甘守淡泊而其中常有以自得嘗作花下弄孫詩選入涇川詩鈔

朱氏家傳新增

吳世旃字通帛涇縣人嘉慶辛酉舉人專力著述絕意進取著有四書參要三十六卷韻學辨訛八卷廣廣事類賦三十二卷

涇縣志

胡貞幹涇縣人嘉慶丙子舉人工詩古文詞尤善四六著有杏

軒集八卷儷選四卷卒年僅二十六士林惜之

涇縣志以上舊志

張炳字季和宣城監生嘉慶丙辰舉孝廉方正撰達孝通經論又仿石經文體隸書孝經一冊進

呈奉

呂衰獎著有池上草堂詩集

宣城縣志以下新修

崔騏字伯弁太平副貢官舒城教諭殫心著述有周易漢學六卷春秋世系四卷及詩文襍著四卷其葬論斂論尤有關世道大心生平好義先後捐軍需萬金年六十時輸田於族祠為祭

田

太平縣志

包世榮字季懷包慎言字孟開俱涇縣舉人並深於漢學世榮著有毛詩禮徵慎言著有經義考異公羊譜又包汝翼字輔之廩貢著有禮經管窺卒年九十三

涇縣志

翟檀字石田涇縣廩貢潛心性理年踰八十好學不倦著有中庸辨孟子考諸經說各一卷水利集證四卷善後隨筆二卷文

二卷詩一卷涇縣志

趙大鏞字笙南涇縣監生著有四書集注窺管三卷窺管外編

六卷讀易略記六卷咸豐聞殉難涇縣志

王思孝字慕堂涇縣增生博覽經史尤精於易著有學易錄十

二卷誠教堂詩文集三卷涇縣志

汪青雲字鳳樓旌德貢生好學深思於四子書尤能薈萃諸說

呈折衷於是著有四書精求八卷旌德縣志

姚配中字仲虞旌德廩生潛心經史旁通六藝尤邃於易著有

周易姚氏學十六卷周易通論月令二卷一經廬琴學書法拾

遺旌德縣志

戴潤萬字蓋川旌德舉人藏書十餘萬卷文名藉甚潛心漢學

所著經說將付刊而寇至殉難祀昭忠祠旌德縣志

崔應運字賚巖太平諸生於書無所不讀推測星度不爽著有

帝王年代考雲巖考古關峰錄邵子窩筆記會心錄太平縣志

按甯國府以詩文名者

國朝尚有宣城孫竹著西湖集梅以俊廩生著承露集及茗語

錫麟族廩生方春著負病吟蓉坪詩草劉文友廩生著水

廷謨諸生著願賢錄諸書王佐郡庠生著王可第廩生著桐

宿庠生著施琛歲貢著李希稷庠生以博學宏詞薦詩文散

者吳璟侯進士知永甯縣茹夢松貢生定遠教諭著三

進士吏部主事著錄劉聘書歲貢著四書徵春秋董潤廩貢所

入王成璐志勸士錄姚光劍附生著四書說餘四

俱見各縣志	新增後新	涇縣左士望	甲申後邑事散軼	周虬	工詩古
體著蒼	董文穆	著四子	馬騰蛟	拔貢著稿	趙昌國
詩集	趙友璋	兩卷行世	翟士吉	著海桑	沈行泰
翟承檀	舉人著	包青	古厄言八卷	學庸蠡測六卷	包元音
著半畝園集	宋	吳大紳	集二十四卷	吳昌言	歲貢著忍冬藤
鈔	翟翬	吳省蘭	入藝海珠塵	趙春泉	歲貢蕭縣訓導
著棟與兄修拔貢	吳讓恆	廩生著	消憂草卒年	趙同炳	人舉
著春秋注	胡沛澤	舉人訓導	張以潤	注周禮疏言	胡光
解八卷	胡沛澤	寄槎詩集	張以潤	注周禮疏言	胡光
俗舉人著孝經義	舒觀賓	諸生著	孝	翟玉璫	歲貢著性理參
逢吉	諸生著	翟廷珍	廩生著	吳雲	諸生著性理參
方	文生著	吳寅	詩集三十卷	查際華	附監生著
書	諸生著	吳休徵	樓詩集	吳台	詩草五種

文辨	胡先座	廩貢著律呂考證	十二卷	句股釋	張履元	歲貢
議	胡先座	源八卷	經訓堂詩文集	十六卷	潘肇書	舉人著
貢水道二卷	潘仲素	諸生著	潘文江	諸生著	潘良秋	隱著
餘軒詩四卷	潘仲素	諸生著	潘文江	諸生著	潘良秋	隱著
十卷	潘仲素	諸生著	潘文江	諸生著	潘良秋	隱著
窗吟稿	潘仲素	諸生著	潘文江	諸生著	潘良秋	隱著
卷二	潘仲素	諸生著	潘文江	諸生著	潘良秋	隱著
梅花園詩	朱鶴書	歲貢著	胡世琦	義立經堂詩鈔	吳輝	
集二十卷	朱鶴書	歲貢著	胡世琦	義立經堂詩鈔	吳輝	
祖文生著	董廷梁	文生著	左旋	增生著	左庚	少白詩
文生著	董廷梁	文生著	左旋	增生著	左庚	少白詩
齋文集詩	董廷梁	文生著	左旋	增生著	左庚	少白詩
鈔	左丙熙	廩生著	鳳超	然園詩話	李越	齋詩
草	朱業書	副貢有	朱坤元	齋詩稿	汪學瑜	青詩草
汪學瑗	文生著	以上新	南陵王震	歲貢著	何燕	歲貢著
著述散佚	王賜	舉人著	程書	官紳士祀	甯國府	
甯國汪作霖	存者人	爭傳	文苑			

有周易備要 旌德譚文昭 拔貢著汪振位 舉人著西 方逢辰

廩生著易經去 方學成 孝廉方正知夏津 劉瓊 歲貢著忠 著

志 呂偉庚 舉人著詩經集解說文 呂偉岫 鄂不堂偉岸同 著

汪在中 歲貢著四 呂廷華 著四書類 呂朝颺 附貢著禹貢注

考文詩集 戴求頌 增生著杏林古文 方維翰 拔貢著曼 汪濱

兵發無存 呂煌 著山輝 王承享 增生著蘭草山房 太平胡紹

湖詩鈔 呂煌 著山輝 王承享 增生著蘭草山房 太平胡紹

虞著性理辨見 項淦 息齋集 六 杜應成 易竊揆數種 周湯

新俞 舉人著自玉 方際 齋著 四書曉義集錄四書 周登

瀛 歲貢著松雲窩詩文集象緯 陳常 廩生著六經奇英四書

世 崔映秀 雜記 以上舊志 崔應魁 歲貢著異 崔應運 著

心錄 崔允文 齋詩文集 石 陳世濟 舉人著名 王朋 著毛詩纂

王登瀛 廩貢著 王紹鯤 貢指南 杜炳 歲貢著四 孫良鑑 舉

著鏡川 項勁 舉人著襄 焦淮 舉人著魯嚴文 孫許 廩生著

詩草 譚鳴盛 廩生著 崔沅 拔貢小京官著仙源文 崔文泰 舉

著龍山詩草 以上新增

重修安徽通志卷二十七

人物志

文苑 六

池州府

唐胡楚賓秋浦人高宗時以善屬文為右史與諸儒同撰樂書百僚新戒臣軌十餘篇為文甚敏必酒中下筆高宗嘗以金銀盃酌酒飲之文成輒賜焉性重慎未嘗語禁中事人及其醉問熟視不答尋兼崇賢直學士唐書元萬頃傳

武瓘秋浦人咸通四年以感事詩投卷於知舉蕭倣云花開蝶滿枝花謝蝶還稀惟有舊巢燕主人貧亦歸倣賞其有存故之志遂放及第為益陽令杜荀鶴贈詩有縣稱詩人里無嫌日寂

寥之句

唐詩紀事江南通志

盧嗣立秋浦人以詩名會昌中及第江南通志云咸通十四年進士池州府志貴池縣志

皆云咸通四年進士未知孰是時稱主司得士唐詩紀事

顧雲字垂象秋浦人與杜荀鶴殷文圭同肄業九華受知宰相

令狐綯咸通十五年進士為淮南從事畢師鐸之亂退居雲

川杜門著述執政薦雲與司空圖等分修宣懿僖三朝實錄書

成加虞部員外郎乾甯初卒著有鳳策聯華編稿昭亭雜筆唐詩紀事

紀事

康駢字駕言秋浦人乾符中登第田頔守宣州聘入幕薦為戶

部郎遷中書舍人所著有劇談錄傳於世萬姓統譜津逮祕書

杜荀鶴字彥之石埭人早得詩名嘗謁朱全忠無雲而雨全忠

以為不祥荀鶴賦詩呈之全忠甚喜送名春官大順二年登第

宣州田頔甚重之遂處幕府奉使通梁全忠厚遇之表授翰林

學士主客員外郎知制誥天祐初卒顧雲為序其詩曰唐風集

唐詩紀事唐才子傳

張喬池州人隱居九華山與弟霞俱有詩名喬有高致十年不

窺園咸通中京兆府解試月中桂喬擅場主試李頻以許棠久

困場屋以為首薦復受知於薛能欲表於朝亦不果唐詩品彙載喬大順

進士全唐詩傳言咸通進士有詩集二卷唐才子傳

按喬送友人歸宜春云故里南陵曲秋期更送君故甯國府

志亦載之今從唐才子傳池州府志

韋彖池州人以能賦名嘗游京師吳融奇其才薦為府元歸隱

九華山卒江南通志

臧漬池州人能詩以鄉貢試京師不第羅隱以詩送其歸有曰

賦成無處換黃金卻向春風動越吟後不悉其出處池州府志

楊吳殷文圭字袁儒秋浦人乾甯五年以朱全忠表薦及第後

投啟公卿閒有曰於兔獵食非求尺璧之珍爰居避風不望洪

鐘之樂全忠怒之閒道入吳為楊行密掌書記至翰林學士著

有登龍集從軍稿筆耕冥搜錄唐才子傳十國紀年

宋湯悅本姓殷名崇義文圭子也少穎悟嘗見飛星墜水盤中

掬而飲之文思日進仕南唐至同平章事凡書檄教誥悉任之

唐亡入宋避宣祖廟諱改姓名太宗敕撰江南錄十卷自言有

陳壽史體又俾同修太平御覽等書十國春秋本傳

曹緯字元象貴池人擢進士第與劉燾崔執柔劉正夫在太學

號四傑秦觀嘗謂置其詩於少陵集中誰曰不然著有秋浦集

萬姓統譜

曹組字元寵緯從弟也六舉不第著鐵硯篇以自見宣和中召

見玉華閣上親灑宸翰以賜之曰曹組文章之士命題作賦援

筆立就上大悅萬姓統譜

齊天覺字莘夫青陽人少好學讀書倦暫隱几而臥三十年未

嘗解帶就枕由是經史子集靡不淹貫舉於州歷贛州僉判萬姓統譜

南通志

俞夢龜銅陵人生即有齒能言夢中常有讀書聲六歲通經籍

九歲應童子科問以諸義無不知者授太子正字直祕書監萬姓統譜

南通志

元楊少愚青陽人少好學博通羣籍所著有孝經衍義編秋浦

集九華外史萬姓統譜

馮勉字彥修建德人應天歷二年省試策對公田之弊計口授

鹽之害極愷切清廟瑟賦辭采華瞻拔第一至順二年登進士

萬姓統譜

南通志

重修安微通志 卷三十一 人物志 文苑

池州府

第授韶州路僉判著有土苴集

萬姓統譜 池州府志

明郎文韶貴池人博洽多聞由特用官郡丞致仕歸卜築玉臺

山麓建聚星樓積書充棟所著有玉臺集

池州府志

孫哲字旣明青陽人永樂中貢入太學預修永樂大典一中官以佛經強之書哲不可遂辭歸同時貴池孫玘亦預修大典以

母老辭歸

池州府志 貴池縣志

劉正蒙字養卿貴池人少工文其歌詩得元和體以國子生選

湯溪縣丞遷襄府工正歸

江南通志

劉岷字鳴鳳貴池人以國子生任河間縣丞歸築猗園賦詩其

中號石溪子著有北征詩林下集

江南通志 池州府志

章棟字四可青陽人少嗜學貫穿經史尤以賦名正德五年舉

人官沅州知州著有沙塘晬稿補拙稿

池州府志 青陽縣志

奈翹字聿雲銅陵人四歲授書即能成誦長遂悉究經史詩古

文皆有名臨川湯顯祖見而奇之呼為小友萬曆辛卯領鄉薦

春官不第著書以老所著有翠微集浮齋集

江南通志

金宗範東流人萬曆乙酉舉人學博才雋尤工詩善草書又青

陽吳光裕長於詩賦兼工篆楷著有申椒園集弟光錫亦能古

文工篆書

江南通志

柯日東字朝陽建德人少負才名鄉先達皆就之論事著有映

玉齋集同邑江大蚪亦博洽工文門多問字

江南通志

柯之來字咸虛貴池人工文詩做七子淡於仕進究心理奧嘗

著朱子三大辨於陸氏微義一一析而正之又論湛若水諸解

優於新建新建春王正月之辯則大非也儒者多趨其說

江南通志

李達字行季貴池人天啟中游京師恥作公卿揖客時魏璫擅政達作詩文刺之名動一時吳應箕丁燿劉城序其集以行世

池州府志 貴池縣志

李憲貴池人崇禎庚午舉人性至孝居父喪遇賊刃及其腹不去賊乃舍之阮大鍼在南都與吳應箕倡為防亂公揭鄭三俊

主京察時驅除魏璫黨殆盡憲實佐之著有天啟事實一編

通志 貴池縣志

國朝劉廷鑾字輿父貴池人少從父城受學又從吳應箕遊日益

淵博詩文偉麗聲名藉甚康熙元年以貢考授州同知未仕卒

著有梅根集及他纂述凡數百卷同邑姜可久亦受業城與應

箕之門通經史大義著有斐園集

江南通志

吳應筵字山賓後名非應箕從弟專力於古博學善詩畫工鐵

筆每游佳山水所至題名自鐫於崖石應箕殉節為撫其孤喻

成龍守池獨懸一榻以待非所著有三唐編年廿一史異同考

貴池縣志

曹晟字集孔參方之子大鎬弟也以詩文名嘗應聘修兩廣省

志總督范承勳取以為各郡式又嘗修雲南通志有名於時同

邑郎遂由諸生入太學有手輯池陽韻紀一書闡幽表微搜羅

殆盡又所居在杏花村以古今名勝建置及人物藝文編為杏

花村志十二卷

池州府志

錢之選字文青青陽庠生窮經述古日居九華山房吟咏不輟

著有蜨丸集五十卷心言集五卷九華日遊集二卷

青陽縣志

劉一峯字學山青陽庠生手輯經史遺編探索理窟著有四書

文言祕書三種行世子台星副貢著有周易集粹

青陽縣志

陳克祥字季麟銅陵人父國瑞以好義聞鄉里克祥嗜學工文

時推博洽

江南通志

章周貴池人性孝居喪執禮未嘗見齒著有學庸集解義經遵

注

貴池縣志

章懷瑗字蘧右貴池歲貢邃於易嘗集先儒精義作周易粹語

子夢尙拔貢著有四書合講刪補折衷及文輿三集

池州府志貴池縣志

吳泰龐字師瀆青陽人康熙乙酉舉人歷任教諭二十餘載從

游者皆為名卿大夫如大學士程景伊劉綸其尤著者所著有

怡雲堂集

青陽縣志

徐念祖字貽孫青陽拔貢考授知縣內行修潔文章冠郡邑遭

家庭之難夢中數悲嘯或標辟而呼桐城方苞與之善每欲以

義理廣之不能入後自北歸不數年竟投池中死聞之者知與

不知皆為流涕云

方望溪文集

章廷鈺字雅存銅陵人乾隆壬申舉人官宣城教諭博習羣書

尤邃於易朱文正珪見其著述嘗贈之詩有經笥窮皇墳之句

所著有攜柑亭詩古文集子天紳丙午舉人嘗手鈔古今儒林

文苑傳有所取去以寓趨向之意著有歷代建元考

銅陵縣志

陳芳字郁庭青陽庠生工詩古文與弟蔚齊名袁枚極稱之著

有華溪草堂詩文集趙翼為序以行世姪坡以廩貢署廬州府

教授著有天文集解諫亭詩草

青陽縣志

錢希孔青陽諸生善詩文兼通繪事著有書山文集農閒集三

峯詩草子淇嘉慶辛酉進士官國子監助教工詩善畫著有竹

齋題畫詩鈔

青陽縣志

袁琛字蘭舫青陽貢生官鳳陽教諭淹通經史訓士有方著有羣言薈要及蘭石山房集姪鴻文淑文皆以詩文名鴻文著有筠碧山房稿淑文歲貢著有漱雪山房詩集青陽縣志

章道鴻字黼卿青陽人乾隆甲午解元嘉慶壬戌成進士選庶常授編修著有華巖集青陽縣志

吳翼成字禮園青陽人博習羣書工詩文善小楷行草入分大小篆諸體以附貢官中書舍人充

武英殿分校官因父歸田即請假養親著有粵海集金粟齋文集

蓮海閒吟壺天小隱集青陽縣志

鮑蘭皋字香畹青陽拔貢授州判署泰安府通判文詞典麗尤長於詩著有舞鶴山莊集役西吟小瀛州吟稿又嘗與其弟振飛唱和有湘江風雨聯吟青陽縣志

王淑旦字穉明建德歲貢官含山訓導士心悅服為立高山仰止碑於環峯書院著有說易管見樸拙軒詩草建德縣志

周榮光字懷臣建德歲貢為學務實踐不求進取全祖望為之立傳著有研堂集鈔建德縣志

王懋修字春田青陽廩貢署五河訓導訓士有方平生修身謹言不與外事著有春田詩文集青陽縣志

胡學宗字載霖貴池廩生通今嗜古不問外事著有廣同名氏辨六卷賅括詳明實為完備貴池縣志

施雲青陽副貢學問淵博著有下學記中庸解青陽縣志

徐家純青陽歲貢修輯四書章句集注羣疏會要四十六卷青陽縣志

章謙存原名天育銅陵人嘉慶元年孝廉方正任江蘇寶山縣

訓導襄壽賑饑多所全活著有備荒通論周官考辨鄭風考辨

銅陵縣志

桂青萬字驚文貴池歲貢官宣城訓導工詩善書時有江東二桂之目謂青萬與超萬也著有嘯月山房詩集陶杜詩說超萬

弟載萬太平府訓導著有存存詩草

貴池縣志

阮式玉字警菴貴池文生砥礪名節取與不苟工詩激昂慷慨

無靡靡之音著有添一廬詩集

桂復所撰傳貴池縣志

姚翔字鐵舟貴池廩生全稿不傳所著詩散見縣志及近人所

刻蘭言集池陽詩選集中

貴池縣志

夏思恬字少巖銅陵舉人官蕪湖訓導同治三年襄辦團練詩

古文詞卓然成家著有少巖賦草少巖全集

銅陵縣志蕪湖縣志

蘇佩字珩齊石埭庠生讀書好古學工吟咏晚號梅仙著有梅

仙詩集

石埭縣志

歐陽莪字季芳建德廩生博極羣書咸豐中倡團練保鄉里著

有西溪詩文稿寸草軒詩集西峯外集各四卷土室集詩草二

卷

建德縣志

張際唐東流廩生髮逆踞縣境脅人留髮際唐薙髮如常隱居

教授著有易義彙精八卷禹貢集解二卷陶軒雜組四卷

東流縣志

吳履敬字子肅弟式訓字子迪青陽人蚤孤依母舅代州馮志

沂居京師力學傭書養母並精小學善詩詞各著有稿尤能辨

別古書金石文字從平定張穆治經世之學張穆卒所著月齋

詩文集為履敬式訓所編次攷校精當先後以苦學病卒

采訪冊

按池州府以詩文名者

國朝尚有貴池章應奇

諸生著環碧軒集

杜鑛

歲貢著四書講義詩文稿

王時舉

歲貢

是銅表柵塘碣北伐檄以韻輯王羲之所書千字並使興嗣為文每奏稱善後佐撰國史歷給事中所著有皇帝實錄皇德記起居注職儀等百餘卷文集十卷

梁書本傳

唐陳商字述聖當塗人韓愈嘗稱其文語高旨深舉進士會昌中以諫議權知貢舉歷禮部侍郎祕書監撰敬宗實錄有文集

十七卷

韓昌黎集唐書藝文志

宋郭祥正字功甫當塗人母夢李白而生詩文有逸氣梅堯臣一見歎曰真太白後身也王安石亦稱其詩出於天才非學力

所能舉進士歷知端州元祐初仕於朝階至朝請大夫歸老青山有青山集三十卷行世

宋史本傳

徐造繁昌人熙甯九年進士弟迪紹聖元年進士兄弟相師友為文清麗皆長於詩蔡確宰繁昌築北園載酒邀寓公賦詩為

樂迪有追和五古最佳邁亦有寄弟迪詩一時服其溫摯

萬姓統譜

宋詩紀事江南舊通志

石忞字敏若蕪湖人元符三年進士崇甯中又舉博學宏詞科

宋詩紀事宣和元年梁師成當事或勸忞一見忞愀然曰腐夫弄柄恨未能手批蠹根奈何因取富貴遂被排擯自號橘林居

士卒年三十四初忞隨父禹勤彭澤尉任讀書三巖黃庭堅過之為銘其巖有曰橘林三少者謂忞兄弟也所著有橘林集

黃山

山谷集萬姓統譜

方汝疆字南夫繁昌人紹興庚辰進士不樂仕宦放懷詩酒今所傳者有江上晚行及舟行和友詩絕似唐人風格

江南通志繁昌縣志

張震蕪湖人能文章清裁絕世虞允文破金兵於采石後知太

平州邀震至太白祠屬震為記操筆立就曲折盡致絕無溢譽
愈器之又嘗為縣丞題名記傳於時太平府志

王栢蕪湖人與弟栢樞同領鄉薦栢尤力學獨不第進士受特
恩監南嶽廟與崔與之樓鑰滕强恕交善自號仙居有仙居集
又輯蕪湖志五卷太平府志

明周訥字無咎蕪湖人善詩古文永樂閒以求賢官襄陽知縣
升禮部郎中轉太常寺少卿敕往福建取靈濟宮二真人回獻
獅子賦詔旨褒美平生著作甚富應制諸什多為人傳誦太平府志

劉璫字伯玉當塗人永樂甲申進士選庶吉士復除晉府教授
後又改閩縣丞談詩論文竟日忘俗人稱哦松先生致仕歸三
十餘年未嘗輕履人戶著有虛菴集十卷太平府志

夏宏字仲寬當塗人官松潘儒學教諭集唐人詩將千首屬對
精切有聯錦集續集零金碎玉集行世劉定之為之序太平府志

鍾城字德卿當塗人少穎敏苦志積學成景泰甲戌進士歷官
大理寺正著聲明允門舍蕭然累擢福建提學僉事江西提學
副使士經品題者多為令器晚歸鄉里讀書如諸生門下執經

問難者踵接曾筆削太平府志一統志
徐傑字興之繁昌人成化甲辰進士知淄川縣不數月以直指
行部至縣傑但長揖遂挂冠歸惟以詩歌自娛書得魏晉筆意

翰墨酬答人爭寶之遊於金陵魏國公引為上客著有詩文集
數十卷太平府志

謝九成字鳳儀繁昌人嘉靖丙戌進士由重慶推官累擢吏部
郎中年二十五投劾歸杜門卻掃於數千年掌故靡所不窺論

重刊... 卷三十一
議皆關風教著有綱目前紀經史管見數十卷行於世江南通志

平府志

潘謐字季詳當塗人萬曆壬辰進士殿試遇疾卒於京邸謐高才博學好登臨喜吟詠凡有所得一寓之於詩其所傳有弔謫仙四絕至今膾炙人口太平府志

張大有字若無蕪湖人負才名屢躋場屋遂棄舉子業鍵扉慕道參濂洛關閩奧旨詩文援筆疾書灑然自得著有放菴集晚更旁通內典注楞嚴法華諸經太平府志

王焯字次公繁昌人天啟開歲貢官金山衛教授詩文高古嘗撫拾遺聞爲邑乘十二卷著有江干小草行於世太平府志

徐士毅號白石繁昌歲貢知商水縣剛方不屈忤當道歸與王世貞李攀龍游詩文傾倒一時郡邑碑版序記多出其手太平府志

胡茂學字海嶼蕪湖貢生貫穿經史收集法書名畫碑銘記頌堆盈几案著有邑志略二卷東臬詩集若干卷太平府志

徐人龍字九立當塗人性僻苦吟貧不諧俗善作擘窠大字著有郡志稿又有陸夢麟者留心掌故輯陸氏瑣藪一冊紀載郡事頗詳確後修郡邑二志多取裁焉太平府志

國朝張畢宿字兆蘇當塗人順治丁亥進士知上高縣矢志撫綏比居林下詩字自娛著有淡吾慮集姪鶴博學善書著有兩松稿太平府志

曹臺珪字特臣當塗人博習羣書自經史子集以及二氏堪輿岐黃之術皆精入閩奧文筆敏捷嘗與陳景昭侍御裁詩百韻擊鉢立就以國學授翰林孔目不就選著有四子宗原瀟灑堂隨刻太平府志

端肇震字燧承當塗歲貢與同邑歲貢孫麟定號姑溪二子康熙癸丑制府聘修通志二人與焉天文則獨出震手所著有史

記解太平府志

俞邦奇字庸幼蕪湖歲貢家藏萬卷點竄無遺性孝友父事其兄兄怒輒予杖邦奇受之怡然父所遺貲悉以推讓所著有愚山文集六卷六書通義一卷卒之日為書別友投筆端坐而逝

太平府志

施天驊字河采蕪湖廩生少負雋才無意干進嘗過夏汭浮沅湘作汗漫遊知名士無不縞紵贈投互相酬倡年未艾以疾卒江右施偉長客蕪久與天驊氣誼相得為集其遺稿數種曰儷蘅集屬施閏章序之刊以行世弟天驪字次騏博學工文名與兄埒著有柯月堂集太平府志

蕭雲從字尺木蕪湖副貢鍵戶力學工書善畫嘗寫屈子離騷經與太平山水圖曲盡其妙郡守欲求其蹟不可乃於公牒入其名鉤致之不得已為圖四名山於太白樓壁年七十八卒乾隆癸巳四庫館搜求遺書

高宗純皇帝見雲從九歌圖異之曹宮保文埴因以所畫卷進呈

御覽蒙

恩稱賞並紀以詩雲從自是不朽矣所著有易存韻通杜律細等書援据甚確門人輯其殘編為梅花堂遺稿弟雲倩字小曼有俊才

子一暘亦工詩畫

一統志 江南舊志 蕪湖縣志

徐必泰字和珍當塗人康熙庚午舉人知桐鄉縣專尚德教而馭吏整嚴人安其政甫一年告歸巡撫朱軾知為經術士允其請士民皆垂涕以送所著有經言茹實二十卷冠山文集十卷

太平府志

楊曦字待如當塗人康熙乙酉舉人官甯國縣教諭課士勤敏學宮久圯捐俸倡修增置俎豆禮器性至孝事繼母尤謹晚年

丁繼母艱以哀毀卒所著有蕊淵耦亭二集問世太平府志

楊巘字橫岳繁昌人工詩文青氈潦倒日事車塵驢背閒所作

皆沈鬱激昂不襲齒牙餘論著有秋影軒詩齊魯游草東歸草牆東吟若干卷詩餘一卷既歿庠生徐若蘭為之編次刊行太平府志

太平府志

徐克范字堯民繁昌人性至孝母卒范溽暑寢苦枕塊家人請設簞帳不許著有易經演義讀史記十表補自好堂詩古文行

於世太平府志

汪起龍字非九當塗人肆力經史著有歷代人物考亦工詩惜

俱散佚僅傳懷古十二首太平府志

吳立字禮存當塗歲貢天性孝友能文章丙午邑大水遵其父

斌志竭力蠲賑兄騫出守粵東以清操破產立命子本涵走數千里齎金助之及本涵任新泰亦以家財畀之俾勿絲毫累民

居家獎掖後進多所玉成著有破壁齋集柳灣詩姑蘇山左游

草梅花百詠等集太平府志

耿之珽字摺玉當塗人精易理不入城市者二十年著有易理十二卷同邑陶制宜精研宋五子書尤粹於易著有學庸粹言

太平府志

王肇字紀修蕪湖廩生方正有守所著遊燕前後集居巢管窺錄過秦草丹徒裴之仙攜去評次未幾裴亡遂散失惟手錄五

經纂要古文合選存於家太平府志

王駿字神駒蕪湖人性至孝篤學嗜古才大而數奇既屢躋棘闈乃遊燕趙甌越閒藉名山大川抒其嘯歌激昂之概將以貢授校官未仕卒著有枕畔吟聊存草春柳草堂諸詩太平府志趙泉字難涸當塗歲貢官桃源訓導性疏曠刻意攻詩雅善蘭竹著有經籥一掇錄及栲栳堅白等集行於世太平府志施長春字淡吟蕪湖廩生性無他嗜惟見異書奇文不忍去手又視友朋為性命湖山樽俎之間冒風雪不顧年甫三十卒兄長裕彙次名流誄詞名之曰擲琴集所著有淡吟遺草蔗尾蘭言等集及填詞古文數種太平府志吳銳字穎長當塗人康熙辛卯舉人高才博學工詩古文兼善書法官江都教諭以宏博徵遠近名流咸引重焉同邑王三綱字鴻士歲貢官黟縣訓導詩古文清幽夔絕與銳齊名著有梅

墩遺草

太平府志當塗縣志

何應鼇字蒼持當塗人康熙戊辰進士選庶常試春歸詩第一授編修改祠部郎同官湯大輅為人中傷鼇力爭得雪人多嫉之遂致仕歸捐其宅為一邑會館居家杜門著述甚富太平府志潘鑄字有倉蕪湖增生讀書外無他嗜偶購得春秋世族譜一書其序言女氏族嗣出而未見有本因綜覈二百四十年匹配臧否著為一編名春秋女氏族譜殆可補杜氏所未備云蕪湖縣志

洪鑾字步宸蕪湖人少負異才弱冠舉於鄉著有悔綺堂詩集質於長洲沈德潛德潛賞其詩序而傳之乾隆癸未成進士知博山縣擢東平州有政聲卒於官蕪湖縣志韋謙恆字慎旃蕪湖人乾隆丁丑拔貢迎

鑾召試一等

賜舉人授內閣中書癸未一甲三名進士授編修充一統志纂修官升左春坊左庶子督學山東晉侍讀學士歷雲貴二省按察使晉貴州布政使護理巡撫印以失察請戍軍臺旋蒙

恩宥補編修典試雲南歷贊善中允充

武英殿四庫全書提調以年逾六十與千叟宴蒙

賜金牌壽杖朝珠貂緞等物遷翰林侍讀典試陝西升國子監祭酒因公鑄級復補鴻臚寺少卿以疾告歸未及東裝卒於京邸年七十七著有傳經堂文集十四卷詩鈔十卷瓦卮山房館課鈔存二卷古文輯要八十卷蕪湖縣志張達字蕉衫蕪湖布衣遊於維揚有野田鑿破得宮井之句盛傳於時人稱張宮井著述極富藏於家蕪湖縣志

邵廷侃字秩青蕪湖諸生弟廷仕優貢中副車官含山教諭並能文章工書翰以異書名帖為性命廷侃子士鐸拔貢授峽江丞以養歸兄弟父子登臨題詠哀然成帙人豔稱之蕪湖縣志以上舊志朱煌字蔚堂當塗人乾隆庚戌進士官廣西知縣有惠政罷官主講鍾山尊經書院與諸生講求實學以經義為文章根柢於天文推測尤精當塗縣志以下新修朱滋年字潤木當塗拔貢官來安教諭品端學博為皖省七豹之一

高宗純皇帝南巡第六次恭製賦冊進呈著有樹齋詩文鈔及纂輯五雲軒賦南州苔岑兩詩略子德祺拔貢敦本務實著有畱餘軒

文集當塗縣志

甘元箸字文超當塗歲貢幼孤事母至孝家貧課徒數十載訓

迪精勤里中知名士多從游焉當塗縣志

王澤字子卿蕪湖人嘉慶辛酉進士由御史出知江西贛州府

告歸倡立義倉鄉塾著有觀齋集十六卷蕪湖縣志

李兆蓉字鏡湖當塗監生著有天文地輿圖考編輯齊香園詩

韻類考十二卷辨字五卷當塗縣志

李慶英字一邨當塗舉人幼孤事母篤孝官湖北建始縣有聲

生平嗜學不倦詩古文擅絕一時當塗縣志

胡遵昭字守亭當塗舉人博通經學兼精天文地理音韻句股

著述甚夥惜未竟所學而卒當塗縣志

唐金門字竹香當塗優貢稟性高亢博通經史詩古文自闢蹊

徑堂弟金儀字子度拔貢生亦詩筆峭拔可誦當塗縣志補冊

張元榜字杏村蕪湖人善書法有氣節喜究當世利病嘉慶閒

遊廣西撰灑江紀游謂人曰不數十年兵事其自此始乎所著

詩文有兩閒草堂集十六卷兵閒散佚子善政蒐輯得二卷蕪湖縣志

孫登年字寄鶴當塗舉人官東流訓導廉靜嗜學尤精漢儒易

說著映雪堂易解當塗縣志

黃富民字小田當塗人尚書鉞季子豪於詩以拔貢歷官禮部

郎中省親回籍不復出著過庭誓墓避弋萍軒等詩稿當塗縣志

馬壽齡字鶴船當塗廩貢試用訓導以知縣用嘗主講鎮平縣

清陽東臺縣西溪兩書院盡心訓迪士論翕然生平矻矻著述

尤精小學著有讀段劄記懷青山館詩文集當塗縣志

唐徵鏞字振甫當塗拔貢用教諭工詩畫楷字耿介不隨流俗

著有涵虛室詩草當塗縣續冊

夏燮字謙甫當塗夏燮子道光辛巳舉人由青陽教諭改江西
宜黃知縣治尚清簡公事暇研心著述老而彌篤著有明通鑑
一百卷五服釋例二十卷述均十二卷中西紀事二十卷粵氛
紀事二十卷又校勘明陶安學士集吳應箕樓山堂集及

國朝汪萊算學遺書俱刊行其未刊者尚有漢書八表刊誤明史
綱目攷證明史攷異謝山堂文集等書兄燠諸生著有四聲切

韻表詳校當塗縣呈冊

按太平府以詩文名者

國朝尚有當塗金一鳴舉人著雙桐閣集胡成喜歲貢著拂雲樓古文僅軒詩鈔夏之

符庠生著姑孰備考魯逢年增生著采石山房集曹綠禪庠生著王

鉞庠生著寄愁草隨意錄陶之鉞廩生著四書李鳴歲貢睢甯訓導著

蒙易解保產徐彬歲貢著魯芳優貢著曉鍾泗傳畫增生著

稿關己生諸生著孝經廣訓續靈蕪湖張一如進士荆南道

集思閣張九如著知非杜時舉貢生知昌邑湯聖清貢生著周

湯聖侶庠生著陳應頰庠生著萬修庠生著王璐歲貢著王孔祚

著舉人中書歷官國子監學正潘岵歲貢著獨王璐江草堂諸

集黃道曉庠生著通二十四卷陶顯卿庠生著周汪元均舉人知

著夢蕙草宋紀進士知衡水縣有惠政著陶可循庠生著王德

堂遺集學類鈔子有恆陶慎鏞優貢著胡聚奎貢生著以上舊志

增生著南村集楊和蘭文生著宣葵歲貢著和鳴集邢清貢著

模舉人著于恂諸生著宣葵歲貢著和鳴集邢清貢著

著燕石集唾于恂諸生著宣葵歲貢著和鳴集邢清貢著

餘大小集汪道燦增生著宣葵歲貢著和鳴集邢清貢著

韞玉汪道燦釋五經各部詩文集一編徐持廩生著徐抒貢著

齋集汪道燦釋五經各部詩文集一編徐持廩生著徐抒貢著

歲貢著詩古陳全諸生著以上舊志湯如金增生著蘭曉吟稿

文數十卷陳全諸生著以上舊志湯如金增生著蘭曉吟稿

重修安徽通志卷二百二十八

人物志

文苑

廬州府

南唐伍喬廬江人居廬山國學數年力於學詩一夕見人掌自
 牖隙入署讀易二字喬歎異取易讀之探索精微山中浮屠夢
 仰見大星旁有人指之曰伍喬星也既覺傾資奉之使入金陵
 舉進士及試畫八卦賦霽後望鍾山詩主司歎為傑作覆試榜
 出喬果為首元宗亦大愛喬程文命勒石以為永式仕至考功
 員外郎有集一卷南唐書本傳
十國紀年

宋姚鉉字寶之合肥人太平興國八年進士甲科淳化五年直
 史館侍宴內苑應制賦賞花釣魚詩特被嘉賞淮西城中水壤

重修安徽通志

卷二百二十八

人物志

文苑

廬州府

盧舍以鉉知州事徙於汝陽高原工畢加起居舍人京東轉運使徙兩浙路薛映知杭州不協摭鉉罪數條密以聞除名貶連州大中祥符五年會赦累授本州團練副使卒鉉藏書至多頗有異本兩浙課吏寫書亦薛映所摭中之一事有集二十卷又采唐人文章纂為百卷名曰文粹子嗣復以書上獻詔藏內府授嗣復永城主簿幼子稱俊穎美秀善屬辭才十歲卒鉉紀其事為聰悟錄人多傳之

宋史本傳

文道南廬江舒人與姚鉉善凌策幼時嘗往學焉晚司教涇縣遂居於涇其後裔曰士南曰榕曰中者皆以進士名家

甯國府志

甯國府志

楊寘字審賢合肥人少有雋才慶歷二年舉進士京師試國子監皆第一既試宗政殿帝臨軒啟封見名喜動於色謂輔臣曰

楊寘也遂擢第一公卿稱賀為得人授將作監丞通判潁州未

至官持母喪病羸卒先是其友夢寘作龍首山人寘自謂龍首

我四魁多士山人無祿位之稱我其終是乎已而果然

胥致堯合肥人少力學為文辭官至左班殿直歐陽修誌其墓

子流以才能稱

一統志歐陽文忠公集

李冲元字元中舒城人紹聖中為宜春司理獄訟衰息以賦詠

自娛嘗撰鞠城等銘刻石以傳黃庭堅每至袁郡必為冲元畱

數月而後去

廬州府志

李臺卿字明仲廬州人性介特博學強記有史學考正同異多

所發明知天文律數千歲之日至可坐而致蘇軾謫居黃州臺

卿為麻城主簿後罷歸卒軾有詩弔之

一統志蘇東坡集

阮美成舒城人元豐中進士自戶部郎謫知巢縣為政愷悌移

守柳州喜吟咏時稱阮絕句

江南通志

焦蹈字悅道無為州人崇甯三年計偕後期遇南宮火命禮部

改試蹈為第一時口號云不因南省火安得狀元焦蹈首鄉薦

又由省元登第蓋三元云

一統志 萬姓統譜

王之道無為人剛直尚氣節與兄之義之深同科登進士第名

其堂曰三桂著有相山居士文集二十五卷相山長短句二卷

宋史藝文志 萬姓統譜

阮閱字閱休舒城人建炎初以中奉大夫知袁州所著有松菊

集其在宣和時曾知郴州著有郴江百詠今逸其八又著有詩

話總龜前集四十八卷後集五十卷

四庫全書提要

元潘純字子素廬江人少有俊才嘗著卦辭諷切當時幾中禍

亡去寓居東吳以觴詠自娛詩極精麗其錢塘弔岳武穆詩最

為當時傳誦

江南通志 廬州府志

明郭奎字子章巢縣人少從余闕治經闕亟稱之青陽遺集其

所藏弄也明初參朱文正軍事坐文正事死詩歌悲壯宋濂趙

汭為序其望雲集

明史王冕傳 江南通志

潘植字公年廬江人洪武時以秀才舉判廣安州公勤廉介尤

長於辭翰著有擊壤集

廬州府志

秦鳳字子儀舒城人建文庚辰進士知興山縣奏免秋糧并紅

馬船時兵強民弱子女有為夷陵軍掠為奴婢者皆為贖取民

甚德之擢給事中以言事改衛輝府同知卒於官鳳當永樂時

所著有太平歌皇禎祥詩營建宮闕賦後又著洪熙輔政策二

江南通志 廬州府志

十五道高岡遺稿藏於家

邢寬字用夫無為人永樂甲辰進士廷對策祭祀兵戎考究詳

明議論醇正擢第一開科以來江北士占名第一者自寬始授
修撰進侍講正統朝纂修宣廟實錄後升學士

萬姓統譜
江南通志

程式字元一合肥人伊川先生長子端中宋靖康中知六安軍
子孫有家廬州者式其裔也永樂間領鄉薦以楷書應辟為宛
平令多善政晚年精通易理著有易理通解

廬州府志

祝富字堯臣舒城人博學工詩成化會試乙榜除伊陽教諭三
校省闈由國子學正遷伊府長史悉心輔導時宗室以事忤王
力為辨解聞於朝進階旌之所著有默菴集

江南通志

高誨字廷弼合肥人宏治辛酉舉人知青城縣升萊州府通判
擢知養利州辭不赴家居清素耽詩賦有泰山攬勝諸刻
黃道年字延清合肥人隆慶辛未進士歷知南城天台擢知漢
州皆有惠政解組後怡情山水不問生產貧交待以舉火者甚

眾著有中庸正解二十一史駁浮槎山房詩稿行世

廬州府志

王藿字侶葵合肥人兒時言笑不苟及長究心濂洛之學以恩
貢任主事權關臨清悉屏陋規著有書經便覽海內宗之

廬州府志

朱道合字崧之無為人好學工書藏書萬卷手自讐校丹黃殆
遍著有看劍集

廬州府志

郭士豪字光斗舒城人嘗刻燭咏蝶頃成百首時稱為蝶公性
至孝母病目劇日以舌舐之竟復明母姓葛終身不復衣葛晚
以明經特薦任御史仕至金衢兵備道著有四書口義金滕易

廬州府志
舒城縣志

季孟蓮字叔房無為人博覽羣書詩詞工麗山陰王思任極推
重之又嘗與董其昌陳繼儒等同刻詩集見稱於時晚構月當

樓積書其中批閱不輟

江南通志
無為州志

孫荆字子楚合肥人著述甚多所纂廬陽文獻志頗得史家遺

意廬州府志

黃道月合肥人萬歷丙戌進士官中書舍人風神俊朗詩文清

妙弟道日舉於鄉書翰為世所珍江南通志

王永年字雪壺廬江人以恩貢官中書舍人博雅工詩文喜獎

掖後學歲早盡焚質券著有雪壺集廬州府志

王寢大字幼章合肥人崇禎丁丑進士事繼母撫異母弟五人

內外無閒言乙亥守城親冒矢石擢南吏部郎居家捍衛鄉里

規畫荒政具有幹略其學尤長於史著有春秋說史綱鈔累數

十萬言一統志廬州府志江南通志

崔冕字貢收巢縣人嘗就史傳詳加緝閱得複姓三十四單姓

九百七十二聯屬其文為千家姓文一卷蓋以俗所傳百家姓

無文義故作此書頗為雅馴如皋冒國柱為之序并為之注四庫全書存目

全書存目

國朝龔鼎孳字孝升合肥人父孚肅工詩文善書畫歲饑倡賑多

所全活鼎孳成前明崇禎甲戌進士歷官兵垣我

朝以原官召用累遷左都御史再謫再起復都憲晉刑兵禮三部

尚書博學工詩古文士林推之卒諡端毅一統志廬州府志

許裔蘅合肥人拔貢著有二樓集廬州府志

陸龍騰字雲樓巢縣歲貢王士祿馬世俊咸推重之詩文書畫

皆有聲士祿寄書云昔探微著稱於繪事內史擅美於詞章不

謂閣下乃復兼總眾妙各臻峯極所著有柳浪草河干吟雲樓

集廬州府志巢縣志

王裒字石倉合肥人康熙辛未進士知商河縣邑故多盜持法

嚴恕四境肅然以終養歸事母至孝著有冰翠堂集行世廬州府志

李菖字中泚合肥人篤行好學性恬退不樂仕進妻陳氏因流

寇入室不辱死菖不再娶所著有辰懷軒詩文集行世其未刻

書尚十餘種廬州府志

李孚青字丹壑合肥人大學士天馥子年十六成康熙己未進

士授編修充

政治典訓

玉牒類函明史四館纂修以父艱歸不復出詩格似韋蘇州著有野香

亭集盤隱山樵集一統志

孫維祺號起山康熙辛未進士歷知河間涑水二縣解組歸惟

以著述自娛性至孝居母喪啜粥茹素裹衣皆粗布為之沍寒

不易江南通志

盧雲英廬江人明盧烈愍謙之曾孫謙在永豐曾刻五經圖雲

英復釐定增補重編十二卷凡所改正者五百餘處四庫全書存目

吳元桂字秋岳無為人孤貧嗜學豪於游不樂仕進歷三巴湖

兩浙入都門足跡半天下而詩益富著有振華齋集又輯

昭代詩鍼濡須詩志行世廬州府志

田實發字玉禾合肥人雍正庚戌進士善詩古文辭困於諸生

者數十年及聯捷登第已六旬矣官徐州教授著有玉禾詩集

綠楊亭詩餘行世廬州府志

王漣字修湖合肥人父華本休甯諸生卜居合肥漣五歲能文

性孝居母喪哀毀骨立乾隆癸酉舉於鄉以親老不赴公車所

著有四書正義易經正義還讀堂詩文集廬州府志

黃培字載鍾廬江人少穎慧下筆千言立就長益覃思經籍既

成進士即歸里教授性和易無圭角而義利之辨甚嚴著有斗南閣文集香巖續集廬州府志

侯坤字礪石無為拔貢官兩廣鹽經歷署廣州通判潮州鹽運分司卒於官坤初館京師最久詩古文辭傾動一時書法最得

董意廬州府志

汪有典字啟謨無為庠生博通經史嘗考前明忠義事跡各為立傳著述甚富廬州府志以上舊志

王時柄字子樞合肥增生攻苦積學尤邃經史詩追漢魏著有羣經積疑及詩古文集合肥縣志以下新修

趙席珍字響泉合肥舉人官旌德教諭詩文磊落不羣著有寥天一室詩鈔合肥縣志

楊欲仁字體之巢縣進士歷官江蘇知縣著有孝經集解四書

精義巢縣志

周大槐字海樵合肥歲貢道光初元舉孝廉方正名與婺源齊彥槐相埒時稱江南北二槐汪廷珍謂南槐春華北槐秋實著有海樵文集合肥縣志

夏雲字奇峯合肥庠生能詩尤工古體著有曾園詩集合肥縣志

黃金臺字篠岑廬江副貢建平教諭覃心古學詩宗漢唐著有四書說六經說篠岑詩古文鈔廬江縣志

張超字萊山無為舉人著有春秋字訓儀禮節釋兩射車制律呂圖等編無為縣志

汪景頤字希正舒城歲貢文追漢唐學宗濂洛著學庸困知錄三卷子洪元能古文有經義數十篇舒城縣志

徐漢蒼合肥庠生喜吟咏著有碧琅玕館詩鈔咸豐三年派河

遇賊斫其面絕而復蘇年七十餘卒合肥縣志

按廬州府以詩文名者

國朝尙有合肥秦咸歲貢著潭影堂集秦象諸生著抹雲亭集夏振

祖海州學正著散黃誥東明縣丞著王會龍舉人著藝圃集

朝聘進士著寶王永烈拔貢著賞雨趙璠廬州府判官知

李春浙江同知著燕譚琨拔貢教諭著蔡邦霖歲貢著浴盧

先駱進士著廣東知縣王埒副貢河南州判吳克俊監生著羅

鈔史臺懋山房詩鈔浮槎張延邴恩貢著李汝琦副貢著靜

葉世乾監生著晚黃觀光廬州府文著帶經甯鉞廬州府文著王世

祿文生著愛亭詩鈔以上見縣志廬江夏起敏諸生著霖

孫宗灝歲貢著周易本陳延炯歲貢著鑒亭集李光琰教諭著百

書晰四李光玖辟生著李光瓊賦新著試李光瑜藥山房讀

古文張文榮恩貢著綱唐肇文生著盧王鳳翽恩貢著學

錄詩話聽濤山目考異辨王鳳喈賦繡囊集章煒進士吏科給事中著陶

增舒城孫昌裔副貢著任光世舉人著任銓廬州府文著沈志彬

許登蓬工書法著青任自舉歲貢著修任銓廬州府文著沈志彬

集任鳴盛舉人著紅趙士純歲貢著一無為廬州府文著沈志彬

進士著燕王履同秋潭集吳寬賀縣知縣著趙獻可廬州府文著

藻遊草何大觀貢生著陳廷樂樵適集鍾成樂諸生著沈可一

嶼集吳世基進士著朱瑞昌廬州府文著湯士珽水清音集

傅時因諸生著金吳之聯詩著南樓劉寅廬州府文著沈適

著何雪何鳴耦莊草何天復淡庵集錢瑄諸生著沈可一

堂集袁國鳳歲貢阜甯縣訓導著倪璜卷格人編一卷張

遂洲集賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

賓歲貢山水軒擬古張均義著經史辨論補遺蔣一鑑廬州府

子章句 吳元慶 進士主事著釀古軒 巢縣錢璋 序生著桂香

考年 李璋 布衣著煮雪 陳毓賢 府學生著古近 周兆權 著鑑溪 陳

新沐 府學歲貢著濱湖 鳳陽府

鳳陽府

漢史岑字子孝一字孝山沛國人王莽末以文章顯莽以為謁

者所著有出師頌凡頌誅復神說疾共四篇 後漢書王隆傳及章懷太子注

魏嵇康字叔夜譙國銍人其先奚姓會稽上虞人以避怨徙焉

銍有嵇山家於其側因而命氏兄喜有當世才歷太僕宗正徐

州刺史康早孤有奇才與魏宗室婚拜中散大夫嘗修養性服

食之事著養生論又為君子無私論寓居山陽與阮籍山濤向

秀阮咸王戎劉伶友善號竹林七賢山濤將去選曹舉康自代

康作書拒絕之東平呂安與康善安為兄所枉訴并收康鍾會

與康有隙譖之文帝遂遇害時年四十 晉書本傳

晉薛瑩字道言沛郡竹邑人太子少傅綜次子也孫皓立太子

又領少傅後坐劉定事下獄右國史華覈上疏曰瑩涉學既博

文章尤妙同寮之中瑩為冠首皓遂召瑩為左國史吳天紀四

年晉軍征吳皓降瑩至洛陽特先見敘為散騎常侍太康三年

卒著書八篇名曰新議 三國志薛綜傳

嵇含字君道喜之孫康之從孫也好學能文舉秀才除郎中時

王粹以貴公子尚主館宇甚盛圖莊周於室使含為讚含援筆

為弔文其序曰畫真人於刻桷之室載處士於進趨之堂可弔

不可讚粹有慚色含後歸劉宏於襄陽宏欲表為平越中郎將

廣州刺史會宏卒含素與司馬郭勸有隙夜掩殺之懷帝即位

諡曰憲 晉書嵇紹傳

梁劉顯字嗣芳沛國相人父駿官晉安內史顯幼而聰敏當世號曰神童天監初舉秀才好學博涉多通任昉嘗得一篇缺簡書書字零落諸人莫能識顯云是古文尙書所刪逸篇昉檢周書果如其說沈約於坐策顯經史十事顯對其九名流無不推賞魏人獻古器有隱起字顯案文讀之無有滯礙考校年月不差一字高祖甚嘉焉歷官平西諮議參軍加戎昭將軍梁書劉顯傳劉毅字仲寶顯從弟也儒雅博洽善詞翰隨湘東王在藩十餘年寵寄甚深當時文檄皆其所爲位至吏部尙書國子祭酒魏克江陵入長安南史劉顯傳陳劉師知沛國相人祖奚之齊諮議參軍淮南太守有能政父景彥梁司農卿師知博涉書史工文筆臺閣故事多所詳悉紹泰初高祖入輔以爲中書舍人掌詔誥高祖爲丞相加九錫受

禪其儀注並皆師知所定世祖立敕撰高祖起居注爲十卷

陳善本傳

隋劉臻字宣摯顯之子也年十八舉秀才元帝時遷中書舍人江陵陷周宇文護辟爲記室軍書羽檄多成其手封饒陽縣子高祖受周禪進位儀同三司高頴伐陳以臻隨軍典文翰進爵爲伯臻耽悅經史精於兩漢書時人稱爲漢聖有集十卷行世隋書本傳

元楊叔幹字立之定遠人少有才名博覽強記登省元入翰林

益著聲望

江南通志

明胡敏字伯成定遠人洪武己卯舉人永樂時與修大典歷營繕司員外郎以事謫盧龍宣德初授鄞縣知縣操己端方臨事剛果盡革宿弊民無科擾尤以典學爲念邑人慕之後官至監

察御史

浙江通志 江南通志

周常字茂永定遠人永樂壬辰進士歷任福建河南僉事所至

風裁凜然性敏悟日誦萬言為文章下筆立就長於詩

江南通志

苗衷字公彝定遠人永樂辛卯一甲二名進士授編修預修宣

廟實錄屢典文衡正統初楊士奇薦為經筵講官歷升兵部侍

郎入內閣典機務進兵部尚書致仕卒贈少保諡文康著有雪

窩稿史閣記聞歸田錄

萬姓統譜 江南通志

柳瑛字廷玉臨淮人天順乙丑進士授戶科給事中擢河南按

察司僉事致仕歸家居好讀口吟手披不輟所著有明朝大禮

一書中都志凡六易稿積三十年而後成

鳳陽縣志

凌耀宗臨淮人以博學宏詞授中書舍人升禮部員外郎侍經

筵天順閒預修一統志

萬姓統譜 江南通志

黃淮字仲甫定遠人博覽羣書著有通鑑輔義

江南通志

顧伯謙字有終臨淮人宏治壬子舉人學本六經居鄉孝友著

有起亭集

江南通志

徐養相鳳陽人嘉靖丙辰進士所著有禮記輯覽八卷

四庫全書存目

任文石字伯介宿州人嗜古學工詩賦以歲貢司訓維揚尋退

居相山著有相山志藕花墅集

江南通志

陳玠字貴和定遠庠生隆慶初欲條陳時事上之朝嫌於越分

至京而反著有七經待問錄羣史集要依永一知及古今文字

記

定遠縣志

楊尙渾字無鑿懷遠人少隨其大父嘉猷靖邊任黃台吉三娘

子臨邊邀賞尙渾啟嘉猷疏其不可謹斥埃以待之歲省金錢

以萬計督撫以邊功題敘酌用不就居家究心典籍構逸我齋

岫雲小閣儲古今書數萬卷所著有片月樓稿岫雲閣草桐城相國何如寵為敘之

懷遠縣志

張雲漢宿州人博學多才著有閔子世譜十二卷

四庫全書存目

王守謙號鳳竹靈璧人以歲貢歷清河教諭博極羣書多所著

述致仕歸年逾八十流寇攻城猶率子弟登陴拒守隨筆紀事

所著有小隱窠爽言其喚世編為縣令蘇一圻借鈔遂攜去不

傳

靈璧縣志

趙炯然字心陌壽州諸生父某明季被寇執不屈死炯然負異

才七歲能為詩於學無所不窺文字奇古尤邃於術數兵法甲

申之變北望嘔血死著有大明中極八陣鈐筭支極思集若干

卷藏於家其已刊者惟息壤集三卷

壽州志舊志

國朝道光九年准祀鄉賢祠

壽州新志新增

國朝丁啟明字東有宿州諸生被誣遭吏議以詩見知監司獲解

詩名益振

江南通志

任柔節字定之宿州歲貢隱居相山之麓閉戶研索絕意仕進

工著作喜吟咏有詩文數十卷龔鼎孳熊伯龍等咸推重之

江南通志

宿州志

胡梅定遠人明東川侯海裔孫侯喜藏書至梅猶存十七萬卷

遂徧觀之為文與詩皆不肯蹈襲前人一語著有臥嶺自訂集

同邑馬紹周與梅友每借書讀之著有唐宋閒十國志對山四

部稿

定遠縣志

熊時定字六貞鳳陽歲貢性耽吟咏冥搜鍊句必出人意表著

有春秋四傳合注十卷三才考異四卷假山堂詩文集若干卷

藏於家

鳳陽縣志

楊懌字燭民懷遠人父簡字汗青乾隆丙辰進士選庶常散館後遂不出懌以拔貢授穎上訓導訓課甚勤積勞成疾卒於官

著有洛川古文集洛川詩集懷遠縣志

李敦字養純鳳臺廩生篤志勤學藏經籍數千卷性孝友父病侍湯藥衣不解帶者數百日父歿遂以哀慟成疾卒著有養純詩集鳳臺縣志

宮樟字喬望懷遠人乾隆己酉拔貢授阜陽訓導以卓異保舉知建安縣愛民如子上官知其廉勤將申薦牘遽以母老乞養

歸未幾卒樟善讀書工詩文官訓導時阜陽有西湖之勝每攜友朋登臨賦詩著有二石軒稿懷遠縣志

余陳烈號芥舟壽州人以明經任天長休甯桐城學博天長饑上官委之賑立法嚴明吏不敢欺既去民攀轅而泣乞養歸築

荆樂園別墅日與昆季吟咏其中著有荆樂園詩文集法時帆式善詩話陳古漁毅所知集皆採入之壽州志

鄧宗源字濬川壽州人乾隆丁卯舉人由甯國府學訓導截取知縣改授翰林院待詔所著有宛陵詩草壽州志

方仙根壽州歲貢選訓導辭不赴惟以經史圖籍自娛尤邃於理學著有四書講義壽州志

孫嘉瑜字吟秋壽州人自童時學為韻語金壽門農見而奇之性敏涉獵書史一覽不忘歷遊江淮詩益進著有景梅山房集壽州志

凌和鈴定遠諸生與兄拔貢和鈞並有詩名著有牧嵐小草學使朱竹君筠為之序定遠縣志

張佩字鳴珂壽州庠生工書精篆刻於書無所不闕考訂金石

文字足資考證詩法東坡客遊半天下至輒傾其座武進李兆洛所選小山嗣音多採其詩壽州志

蕭景雲字亦喬壽州人道光元年舉孝廉方正未及赴都而卒

工書善詩喜遨遊涉富春登會稽歷括蒼赤城盡覽浙東西之

勝歸而鍵戶著述家無宿儲泊如也少受知於東武竇東臯簡

竇官浙江學政時延入幕有袖千金乞關說者怒而揮之著有

招鶴堂詩文集壽州志

王鼎字禹夫鳳陽歲貢好學敦品工籀篆精壬式著有四書詮

解淮河源流江南水利諸書又著春秋翼注缺哀定二公歲貢

蔡以繪續成之以繪著有翠竹軒詩草鳳陽縣志

胡寶光字硯傭鳳陽臨淮鄉歲貢孝友篤學著有讀書勝錄十

友軒詩草鳳陽縣志

精

仲友連字景僊靈璧諸生博涉羣經尤精易理為尚書沈德潛

所器重中年嬰目疾遂棄舉業著有詠風草堂古近體詩六卷

子三人緒超緒趨均歲貢緒起拔貢選授黟縣教諭均承家學

能文章趨著有黃雪軒詩稿六卷采訪續冊

林士佑字保卿定遠人父晉奎由拔貢歷官貴州同知著洗蓬

山人集士佑為名諸生隨父之官清操自勵四十失耦義不再

娶亦無妾侍著瀟湘詩賦草各二卷懷遠縣志

許所望字叔翹懷遠增生於書無所不讀足跡半天下關山之

阨要河渠之通塞靡不究悉而尤長於詩紀游詠物諸作膾炙

人口年八十餘卒懷遠縣志

楊承啟字振之懷遠拔貢家貧假人書讀之日盡數函著有鋤

月山房詩集懷遠縣志

楊榮袞字竹士懷遠歲貢工詩及駢體文致力天文句股之學

繪分野圖輯算學舉隅著夢回齋詩集詩餘詞餘懷遠縣志

湯若荀字穎川懷遠舉人著有詩文集史論水經注金石考諸

書懷遠縣志

余陳猷字鳧舟壽州貢生著有音韻識略培遠堂詩稿壽州志

凌泰封字瑞臻定遠人嘉慶丁丑一甲第二名進士由編修歷

官浙江杭州府知府咸豐五年卒著東園詩鈔定遠縣志

方士淦字蓮舫定遠增生嘉慶丁卯浞津

召試舉人由內閣中書歷官浙江湖州府知府辦災賑修石塘有治聲

緣事戍伊犁尋釋回撰東歸日記生還詩草蔗餘偶筆定遠縣志

孫克佐字竹田壽州優貢嘉慶戊寅浞津

召試二等咸豐初官歙縣訓導著有字學尋源耕漁小憩秋窗蟲吟等

集壽州志

孫國榮字逸亭壽州增貢藏書甚富考訂金石文字編次成帙

著有白雲草堂文集香谷詩鈔詩餘讀畫樓瑣記壽州志

孫家穀字小楚鳳臺廩生歷山東甘肅知府道員用能詩精篆

隸著有吉金貞石盒文集一枝巢詩詞鈔卒

贈太常寺卿壽州志

趙正欽字文明宿州諸生沈潛經學著有學庸辨疑錄宿州志

孫長和字小雲壽州廩貢咸豐初元舉孝廉方正歷署池州府

教授黟縣教諭並得士心善隸書能詩著有懷雨樓詩集弟翼

祖字蕉圃著有周易貫指亦名周易通壽州志

按鳳陽府以詩文名者元尙有定遠朱丙鄉貢著明尙有懷

遠張棐孟津縣教諭梅和羹著毛詩括韻方燦廩生著毛詩四書

書 呂養性 廬生著 寄 定遠黃清 著 蛙鳴集 梅

國朝尚有鳳陽田大璽 進士 歷知尉氏永安 李方華 歲貢 著 燕

殷徙南 歲貢 贛榆訓導 著 四書周 高曾祝 怒齋詩草 任玉書

貢生 著 琴軒詩稿 以上見縣志 懷遠閔煥 著 詩集 子大全

新 增 後 新 增 者 俱 見 各 州 縣 志 楊樹善 歲貢 著 詩文

於 家 集 及 詩 古 文 集 孫玠 州同 知 著 楊樹善 集 百餘卷 藏

上 舊 志 以 張之藻 文 生 著 謙 朱樞 節 孝 錄 沈桂 著 自怡 小草

滕立言 貢生 著 石 朱學孔 軒 詩 稿 姚肇修 歲貢 著 退 宋敬

修 竹 館 詩 稿 陳德馨 文 生 著 佩 魏維廉 監生 著 介 林士綸 副

著 湖 鄉 詩 稿 定遠王溥 舉人 著 古 堂 詩 鈔 其 兄 慶 好 古 精 篆 書

夔 廩 生 著 紅 雪 王 璫 舉 人 著 秦 漢 印 及 古 金 石 文 千 百 種 皆 能

讀 而 詳 方玉垣 著 叢 桂 堂 集 方銘彝 舉人 郎 中 著 方士蘊 廩

教 諭 著 四 持 軒 詩 壽州王恬 副 貢 著 古 今 劉恬 貢 生 著 曉 蕭

珠 廬 生 著 周籟 諸 生 著 竹 曹子龍 廩 生 著 鶴 鳴 堂 詩 集 孫克

依 貢 生 有 義 行 著 孫克修 浙 江 鹽 大 使 著 暢 園 孫清徽 優 貢

著 碧 雲 山 房 詩 集 孫樹南 舉 人 著 捷 雲 孫桂森 貢 生 著 桐 花

香 乘 土 音 釋 詁 孫貫 有 孝 行 親 歿 茹 素 終 劉濂 著 五 峯 周元

鄧旭 著 林 屋 詩 孫貫 有 孝 行 親 歿 茹 素 終 劉濂 著 五 峯 周元

輔 著 意 山 園 詩 集 四 卷 續 鳳臺劉錫祉 歲貢 著 寤 方德注 歲

孝 廉 方 正 著 江之湘 歲貢 著 漱 花 軒 詩 宿州丁津 諸 生 著 澗

樓 詩 彙 雨 周開農 歲貢 著 古 徐資 著 四 書 周開官 廩 貢 著 借

山 堂 文 集 周開農 歲貢 著 古 徐資 著 四 書 周開官 廩 貢 著 借

余逢春 著 周 史 八 十 卷 靈璧王蘊藻 著 壯 游 詩 草 胡廷璋

歲 貢 著 清 音 詩 集 八 卷 以上 新 增 穎州府

穎州府 魏曹植字子建沛國譙人操之子也年十餘歲善屬文鄴銅雀

臺新成使為賦援筆立就建安十六年封平原侯十九年徙封

直隸安徵通志 卷一百一十九 人物志 文苑 穎州府

臨淄魏受漢禪黃初二年貶爵安鄉侯改封鄆城侯三年立為

鄆城王太和元年徙封浚儀二年上書求自試三年徙封東阿

上疏求存問親戚六年以陳四縣封為陳王卒年四十一諡曰

思所著賦頌詩銘凡百餘篇

三國志本傳

曹冏字元首譙人中常侍曹騰第三子叔興之後魏之宗室也

齊王芳立幼弱元首知魏祚將移於司馬氏作六代論舉夏殷

周秦漢魏已事欲以感悟曹爽爽不能納

三國志注引魏氏春秋昭明文選注

晉曹志字允恭譙人植之子也少好學以才行稱兼善騎射植

立為嗣改封濟北王晉受魏禪降鄆城公以為樂平太守在郡

上書宜尊儒重道請為博士置吏卒咸甯初詔曰鄆城公曹志

達學通識宜在儒林以宏胄子之教其以為散騎常侍國子博

士遷祭酒齊王攸將之國志愴然曰安有如此之才如此之親

不得助本宣化而遠適海隅乎乃奏議以諫帝大怒免志官頃

之復以為散騎常侍遭母憂居喪過禮因病卒諡曰文

晉書本傳

夏侯湛字孝若譙人祖威魏兗州刺史父莊淮南太守湛幼有

盛才文章宏富善構新詞美容觀與潘岳善京邸謂之連璧泰

始中舉賢良方正拜郎中累年不調乃作抵疑以自廣後補太

子舍人出為野王令政清多暇作昆弟誥在邑累年朝野多歎

其屈除中書侍郎出補南陽相惠帝即位以為散騎常侍卒年

四十九著論三十餘篇別為一家之言弟淳字孝冲亦有文藻

官弋陽太守子承字文子渡江參安東軍事遷南平太守王敦

舉兵內向承與甘卓柳純等露檄遠近列敦罪狀會王師敗績

敦收承欲殺之外兄王廙苦請得免尋為散騎常侍

晉書本傳

曹毗字輔佐譙人魏大司馬曹休元孫父識右軍將軍毗少好

文籍善屬詞賦郡察孝廉除郎中父憂去職服闋徵拜太學博士時桂陽張碩遇神女杜蘭香毗以二篇詩嘲之并續蘭香歌十篇甚有文彩又著揚都賦亞於庾闡遷下邳太守以名位不至著對儒以自釋累遷至光祿勳卒凡所著文筆十五卷傳於世

晉書本傳

唐王建字仲初潁州人大曆十年進士工樂府歌行作宮詞百首初為渭南尉值內官王樞密者盡宗人之分後及過飲語及漢桓靈信任中官起黨亂之事樞密憾之乃曰吾弟所作宮詞天下傳誦禁掖深遠何以知之建懼乃作詩以贈之有不是當家頻向說九重爭遣外人知之句遂脫其禍太和中官陝州司

馬全唐詩話唐詩紀事

宋傅瑾字公寶汝陰人任蔡州助教力學強記尤邃於字韻奉

先克孝與鄰喜施嘗教李端愿以尚名節養器識為先著有字林補遺十二卷音韻管見三卷聞見錄十卷李端愿為銘其墓

萬姓統譜

王回字深父父平原試御史官潁州卒葬汝陰遂家焉回敦行孝友舉進士中第以學行見知於歐陽修薦授將作監主簿弟向字子直為文長於敘事戲作公默先生傳以自警仕止主簿弟同字容季亦善為文

宋史常秩傳潁州府志

焦千之字伯強汝陰人屢舉進士以文學受知於歐陽修呂公著通判潁州延教諸子諸生小有過失端坐召相對竟日不與語恐懼畏服始略降辭色熙甯中舉遺逸授集賢校理知無錫

州阜陽縣志按無錫宋縣元升為州此疑誤

周子雍汝陰人學詩於陳無已大觀初京師元夕張燈時再復

湟郡徽宗賦詩賜羣臣云午夜笙歌連海嶠春風燈火過湟中
開封尹宋喬年不能詩走介求援於子雍得句云風生閭闔春
來早月到蓬萊夜未中為時所稱容齋四筆

王銍字性之汝陰人高宗南渡時為浙西幕僚作守備策千言
上之時帥後悉驗焉詩法最近溫李建炎中為樞密院編修官
著有續清夜錄默記雪溪集宋史藝文志 宋詩 紀事 江南通志

王廉清字仲信銍長子秦熺倚父勢移書郡將欲取其先世藏
書且餌以官廉清拒之曰願守此書以死不願官也熺不能奪
而止著有京都歲時記廣古今同姓名錄補定水陸章句新乾
曜真形圖宋詩紀事 江南通志

王明清字仲言銍次子慶元閒寓居嘉禾官泰州倅有史才所
著有揮麈三錄投轄錄玉照新志清林詩話津逮祕書 宋詩紀事

金劉瞻字岳老亳州人天德三年南選舉人為史館編修自號
嬰甯居士有嬰甯集行世穎州府志

明邢嵩字維嶽穎州人博雅邃經學以貢入太學祭酒湛若水
器之官黃州府通判穎後進多從學焉著有佐黃集穎州府志 阜陽縣志

紀鏞字大器太和縣人成化丁未進士選庶常授檢討未幾卒
著作甚富邑經劉六之亂蕩然無存藝林惜之太和縣志

張燦字汝明穎州人讀書一覽不忘嘉靖戊子舉人知太湖縣
旬日而返嘗曰武功如衛霍文章如李杜花間露耳所著成輒
棄去其感懷云汗漫多情淹客住尋常有酒對花開雅有淡致

江南通志
王尚循字淡父穎州人為詩常廢寢食人皆笑之乃哀集其詩
千餘首名之曰由粲集少時跡弛不羈父給諫謨患之忽奮筆

題楹曰過也如日月之食復其見天地之心自是折節讀書人
比之周孝侯云江南通志

王文炳字汝變潁州歲貢為揚州教授升縣令詩筆濃郁有聲
於時著有綠玉軒集略六卷宮詞游仙詞各百首子埏亦善行

楷書潁州府志

夏之臣字一無亳州人以進士官河間知縣有治行縣人祠祀
之擢御史出巡湖廣挂吏議歸闕園南郊吟咏自娛如醉客有
時覓路入園丁逐日報花開具有超然物外之致亳州志

陳所履潁上人以歲貢歷建平教諭善吟詠著有廣陵逸韻集
同時申大志潁州舉人知榮澤縣未幾致仕著有樂飢集潁州府志

王寔洽字仁子亳州恩貢年十五餼於庠屢困場屋天啟元年
赴吏部試擬授知縣未補官而卒詩以纖麗為工著有嬾園漫

稿五卷四庫全書存目

王養廉字維張潁州人天啟壬戌進士賦詩自娛未嘗問戶外
事後官行人著有陽春館集潁州府志

李東生字屬春蒙城舉人沈潛理學事母極孝著有退修菴集
同時高翼耀潁上歲貢知懷仁縣著有嬾集十卷潁州府志

國朝蘇銘字懋旂潁州人順治甲午河南舉人以著述為事所評
選莊騷史子及列朝詩文集精當不易晚授涇縣教諭卒於官

同邑劉體謙歲貢嘗憫潁遭兵燹載籍散失搜羅纂輯著成衛
乘一編潁州府志

孫紹字子啟潁州諸生善詩文與俗異趣嘗冬日無襦所居風
雨不蔽陶然自得著有青崖居集同邑諸生湯敬躋博學能文

著有灌秋園集潁州府志

劉志圻字禹甸潁州拔貢書法得虞永興筆意所著有詩文集

又嘗手注周易春秋性理史記及陶杜諸詩集潁州府志

高澤生字孔霖潁上諸生數奇不偶乃南遊吳越踰嶺南歸以

著書自娛所著有潁上風物記三卷南遊日記四卷潁上縣志

吳楚奇字南英亳州人康熙壬午解元工詩善畫嘗遊吳越過

彭蠡豫章所歷輒繪圖賦詩有游覽詠及鴻臚集瑣說龍津史

談諸書潁州府志 亳州志

喻璽字玉書潁州貢生博涉經史嘗為吳越遊涉揚子渡錢塘

登天台雁蕩觀海武原鹽官閒作記事詩四百六十首蕭遠清

曠人以爲得江山之助阜陽縣志

陳謹字爾慎潁上歲貢能文工詩著有四書折衷八代詩選望

古齋詩文集同時郝涪潁州歲貢官礪山訓導著有四書析注

及懷抱集潁州府志

甯驥字士伯阜陽人因赴省鄉試母卒不得親斂遂疏素終身

不復科舉後以歲貢授安陽訓導亦不就著有輿地備考十卷

及毅齋詩賦四卷潁州府志

劉開顏潁州廩生七歲能詩淡於進取著有森玉堂集潁州府志

胡殿英霍邱歲貢嘗集五經疑義參解異同彙為一編父冕者

年夙學著有周易纂注一書屬稿未成殿英敬謹繕寫藏之於

家霍邱縣志

張慶字虔敷亳州人於書無所不讀尤嗜史家言著有春秋三

禮疏及半癖山房詩文集亳州志

孫元煌字賸翳亳州附貢性孝友工詩文其父官雲南馬龍州

知州因病往迎著有滇行日記二卷詩有賸翳集十六卷亳州志

梁巖字聞山亳州人乾隆壬午舉人由教習授巴東知縣以艱歸念母老遂絕意仕進惟肆力於書初得筆法於宣城梅武後以功力精專蒼健迥勁武與弟鈇皆自歎為不及楷宗晉唐草法二王於李邕張從申摹倣尤久幾於神似碑版徧天下真蹟人尤寶之詩亦古雅而為書名所掩故不傳子偉業拔貢官於

潛知縣亦善書亳州志

吳灝字溪梁亳州廩貢候選訓導歷署太湖望江學官著有半

遠山房集亳州志

張善佐字榕仙亳州歲貢官金匱縣訓導管手鈔經傳史子及

古今文百餘卷著有六吉堂詩彙亳州志以上舊志

潘桂字辛崖潁上進士工詩古文詞著有望雲書屋詩稿潁上新修

連鼎彝字牧九阜陽舉人寬和好學及門多知名者著詩經備

解又有四甲五甲存吾唾餘各集雙清堂松谷詩鈔阜陽縣志

邢士秀字華笙阜陽舉人孝友博聞藏書甚富所撰碑銘傳記

時稱作手著書悉煨於火僅存易經彙說一卷阜陽縣志

郭近陽字午山霍邱貢生著有儀禮經疏提要詩經疑義通解

霍邱縣志

馬平和字坦若亳州布衣著淡仙詩草有陶韋風致亳州志

葛潤蘅字豐澤蒙城舉人著有四書待商史論待商蘭渚雜撰

本性齋詩稿蒙城縣志

按潁州府以詩文名者

國朝尙有阜陽劉澤菁廩貢著勺園詩草竹溪詩話元濂副貢著五經提要左傳釋地程

溶歲貢著耐寒齋詩鈔陳亮采廩生著松田詩存強恕堂賦鈔田晉歲貢著四當軒詩鈔李鈞澤

重刊安海通志卷之二十一 人物志 文苑 潁州府

遺草 張鈞樂 廩貢徽州府教授 邢嶼 布衣著頴 穎上王乘

文 貢生所著遺詩散佚訓導高崇瑞輯乘文及陳加岡湯汝

霍邱劉箱 鳳陽籍歲貢者 亳州陳文杰 廩生原名肇遷 蒙城

蘇廷煜 拔貢江甯府教 陸熙 文生著雪 李中孚 訓導壽一百

解以 上新增

重修安徽通志卷二十九

人物志

文苑 八

滁州

北魏李諧字虔和頓邱人襲父平爵彭城侯文辨為時所稱歷位中書侍郎天平末魏欲與梁通好以諧兼常侍及盧元明等聘焉梁武親與談說及出目送之謂左右曰卿輩常言北無人物此等何自來謂朱异曰過卿所談自是繼踵使梁梁武甚相愛重後遷祕書監卒於大司農有文集十餘卷 北史李崇傳 宋張洎字師闇全椒人少有俊才博通墳典舉江南進士解褐上元尉後主時官至清暉殿學士入宋授太子中允太宗即位以其文雅選直舍人院考試諸州進士上以儒行篇刻於板印

賜近臣洎得之上表謝上謂宰相曰張洎一表援引古今甚不可得又嘗謂近臣曰張洎富有文藝至今尚苦學江東士人之冠也累官至參知政事有文集五十卷賈氏談錄一卷行世子安期國子博士方回虞部員外郎方回子懷玉進士及第大理寺丞祕書校理十國春秋本傳 宋史本傳

徐徽全椒人運判象賢子也嘉祐進士提舉利州常平告歸居獨山自號獨山居士詩深沈典麗文亦淵雅紹聖中曾肇典滌與為文字交嘗集唐宋以來文之可傳者合為一編曾肇序之名曰滌陽慶歷集宋史藝文志 萬姓統譜

王彥成全椒人大觀進士調泰州法曹以左丞薛昂薦召對徽宗曰近觀榮遇集見卿文理優長特授祕書省校書郎累官太僕卿江南通志

吳开字正仲全椒人紹聖丁丑中宏詞科靖康中官翰林承旨著有優古堂詩話一卷四庫全書提要

范酉新字孟申滁州人著孝順詩一卷明初其孫常刻之姑孰郡齋江南通志

元葛涵字敏問滁州人刻志典墳善文辭至正閒有司舉為清流訓導克以師道自任學者尊之萬姓統譜

明范常字子權滁州人太祖軍滁杖策謁軍門與語意合畱置幕下諸將克和州兵不戢常曰得一城而使人腦肝塗地何以得天下太祖乃切責諸將搜軍中所掠婦女還其家民大悅太祖以四方割據命常為文禱於上帝嘉其能達己意命典文贖

取太平命為知府興學卹民以簡為治官廩有穀數千石請於朝給民乏糧者秋稔輸官公私皆足民親愛之興學以下舊志別載太平府名

官今洪武元年擢翰林直學士兼太常卿以足疾賜安車尋乞歸帝賦詩四章送之賜宅於太平子組歷官雲南左參政有修

潔稱

明史本傳

李傑字懷英滁州人景泰癸酉舉人官翰林待詔有詩名

江南通志

尹洪中滁州人景泰癸酉舉人歷官晉府長史以正事王嘗見

禮憚著有書經訓解

滁州志

任肩字啟敬滁州人通經術能詩著有玉山樵唱集

江南通志

吳藻全椒庠生賦質敏速過目成誦試白下嘗與友夜游蕭寺有碑手按一通記誦無遺著述甚富今所存者惟折桂圖賦數

篇而已

江南舊志

盧英字邦育滁州歲貢歷官威海衛教授工詩有心計嘗應詔

上陳三務十二事皆軍國大計時以其小官置不省致仕家居

以宋史繁猥意在刊削上之未成而卒識者惜焉

滁州志

呂潛字孔昭滁州人官曲江訓導篤志嗜學著有四書心義易

經剖疑

滁州志

屠崑字致大全椒貢生官山東鉅野訓導升掖縣教諭所至士

風振起工詩著有筆峯集

全椒縣志

張秉字孔謙全椒人嘉靖辛卯舉人歷官湖州府同知著有東

澗集同邑彭棗以貢官宣城訓導著有臥游樓史說劍餘草無

齋堂文集

滁州志

彭光祖字虎少全椒庠生八歲詩作驚人語稱神童稍長名噪

江南北東明穆文熙選明七言律亟推之四明屠赤水評其詩

曰虎少刻意摹古晶光橫射只此已足命世少需之復何可當

年二十二而卒著有白鳳館集子昌鼎亦博學能文著有江上

草西湖游記雲母山房稿等編全椒縣志

邵廷相字翊之滁州人力學嗜古以貢除奉化訓導攝邑篆廉

巨猾寘之法升泗水教諭所著有石屏集滁州志

張廷佐字汝翼滁州歲貢官城武訓導修邑志升昨城教諭署

昨篆白大辟王三之冤致仕歸蕭然也著有客窗漫興集滁州志

吳中英全椒人隆慶庚午舉人知漳平縣加意學校性孝年踰

五旬母出入起居必親扶之著有萬竹山房集滁州志

吳沛號海若全椒廩生性穎異一目十行下弱冠通經史百家

工詩古文辭與人交出於至誠鄉試曾以第一人薦竟不偶遇

不副才士論惜之所著有詩經心解西墅草堂集卒祀鄉賢江蘇通志

吳國鼎字玉鉉全椒人崇禎癸未進士授中書舍人以內艱歸

遂不出著有詩經講義歷代詩選及適園集行世江南通志

國朝潘運嶽字熙仲滁州人順治己丑進士授中書舍人告歸一

意著述詩筆敏妙晚年尤精於易著頗遜齋易說西沈雜記西

沈記遊五待吟諸篇江南通志

嚴治頊字素臣來安人年三十始折節讀書博雅工詩著有蒲

稗集漁洋詩話

金輝鼎號瑯山全椒拔貢學問淵博不樂仕進著有休休軒詩

文集四書述諸書全椒縣志

吳曷字永年全椒人康熙辛未一甲二名進士授編修丙子典

粵西試乙酉充宋金元明四朝詩選掌局官丙戌分校禮闈以

翰林侍講為湖廣學政方按試荊州蒙

上御書勉子修名四大字扁幅

重修安縣志

卷三十一

人物志

文苑

四

滁州

重刊安徽通志卷三十一
賜其母張氏生平所學深於三禮著有卓望山房集玉堂應奉集年四

十八卒於官兄晟字麗正康熙丙辰進士才名與曷埒以甯化

知縣行取主事未任卒

全椒縣志

孫承祖字書烈全椒人雍正甲辰舉人知湖北松滋縣罷歸耽

心經史工詩古文詞所著有丹巖文集餘生草

全椒縣志

郭肇鎮字韻清全椒人乾隆丁巳進士授檢討辛酉典試福建

升翰林侍講充經史館纂修官兩與禮闈分校甲子

上幸翰林院聯句肇鎮得與己巳平定金川進詩蒙

睿賞選入方略全書以艱歸服闋北上聞兄病亟中夜憂惶卒於途所

著有佛香閣詩文集

全椒縣志

朱瓚字稱霑全椒歲貢刻苦為學博涉經史舉賢良方正不應

著有周易輯要五卷不言河洛不取卦變之說惟逐句詮釋字

義最為潔淨

四庫全書存目全椒縣志

吳檠字青然全椒人試鴻博不遇成乾隆乙丑進士授刑部主

事以疾歸著有溪上草堂集衢謠集陽曲詞鈔清耳珠談從弟

敬梓字敏軒諸生所學最精文選舉鴻博不赴亦不應鄉試著

有詩說文木山房集

詞科掌錄全椒縣志

馮祚泰字粹中滁州人乾隆壬申舉人詩文有奇氣膽略過人

嘗裹糧徒步出游徧歷沿河各地探黃淮水道利弊著治河前

後策四卷

四庫全書存目全椒縣志

郭元濬字峯山全椒人乾隆辛巳進士授內閣中書晉侍讀歷

兵部郎中充乙酉順天同考官戊子典試福建督雲南學政按

郡裁陋規取士貴經術所著有蓮鬢閣詩草

全椒縣志

金兆燕字鍾樾全椒人幼有神童之譽工詩古文辭盧運使見

曾延之入署一切文詞多出其手後成乾隆丙戌進士官揚州教授遷國子博士分校四庫全書著有國子先生文集瞻雲軒

詩集

全椒縣志

吳煥字荀叔全椒人性敏捷工詞賦乾隆辛未

上南巡迎

變召試伸紙疾書頃刻賦成眾皆訝其速而工也上呈

睿覽賜舉人授內閣中書後官甯武府同知署府篆以疾歸所著有杉

亭集五音反切圖說句股算法行於世

全椒縣志

張葆光號竹軒滁州歲貢工吟咏嘗往來吳越走京師客宣府

足跡萬里凡所遇忻愉悲戚盡發之於詩著有竹軒集三卷

滁州志

張亦拭字右文來安人以舉人官內閣中書擢侍讀充

玉牒館纂修官詩法淡遠雋永饒有風人之旨著有竹軒楚游草諸集

子錦標九歲能詩著有四不軒後白集詩文諸稿惜年僅及冠

而卒

來安縣志

馮蓋字鑄川全椒人乾隆己卯舉人爲文閎衍奇肆頃刻千言

曾代宛平某大尹作權歌爲

高宗純皇帝所賞又最善倚聲被之管絃無不協律後知廣西雒容縣

有循聲同族有觀光者號伍耘以拔貢中己亥舉人並擅古今

文一時有大馮君小馮君之稱

全椒縣志

江朝舉字軒若全椒人乾隆己卯舉人性孝友敦尚氣誼庚辰

禮闈首薦未售遂絕意仕進以著述自娛老而不倦所著有鶴

汀詩文全集

全椒縣志

唐寶樹字春池滁州人乾隆戊子舉人官石埭教諭不諧俗而

歸性孝友父早卒事繼母甚謹撫弟成立弟又早世弟婦及諸姪皆藉寶樹之筆耕以生詩文雅正有法滁士多師事之所著有白華詩文集八卷

滁州志

戴沛霖字覺斯來安人以舉人官英山教諭保薦知縣不就子宗沅典試河南事竣請迎養京師不許惟優游林下以講論著

述為務所著有日新錄思補山房詩文集

來安縣志

汪履基全椒人乾隆辛卯舉人父所有隱德家極貧一介不取嘗拮据置祭田以祀先履基博學工詩文庚子迎

鑾召試授內閣中書著有溯迴草堂詩文集

全椒縣志

金廷訢字堯臣全椒人乾隆庚子迎

鑾召試列高等由明經

賜舉人內閣中書初學使劉文清嘗延廷訢於江蘇使院高會賦詩廷

訢取諸人詩徧和之一日得數十首文清喜自擘繭紙書之

全椒縣志

王肇奎字文叔全椒人性敏悟善書工詩古文辭弱冠為朱竹君學使所知招入四庫書局乾隆己酉以選拔貢生應

廷試

高宗純皇帝賞其詩名列第一官青陽教諭以篤學敦行為士子率撫

孤姪有恩尤能急人之急所著有古文駢體各四卷小容膝樓

詩八卷詞二卷兄懋讓增生文名與肇奎埒而數奇不偶著有

春燈閒話二卷雲濤詩鈔二卷

全椒縣志

吳藁字山尊全椒人嘉慶己未進士入翰林授編修擢侍讀典試廣西稱得人纂修

高宗純皇帝實錄成議敘優等撰褒忠祠碑稱

重修安微通志

卷三十九 人物志

文苑

七

餘

百賞賚隆渥歷官侍講學士以艱歸藁於文無所不能尤工儷體所選

八家駢體文鈔海內傳誦其自著有山尊詩文全集全椒縣志

吳華國字觀揚全椒歲貢工詩文援筆立就朱竹君學使深器

之贈以詩有流隱如傳羽扇渡山環未抹左司詩之句後官吳

縣訓導弟定國字丙薦乾隆丙午舉人少從華國受經著有北

譙詩文集全椒縣志

王承序字振裘全椒人嘉慶戊午舉人善讀書五經周禮爾雅

皆有評點著有詩文駢體各集同邑舉人薛金臺著有近泉詩

集貢生馮科掄著有煮字軒詩鈔全椒縣志以上舊志

馮震東字少渠滁州廩生以孝廉方正歷廣東廣西知縣終湖

北鶴峯知州宦游十七年不名一錢毫而好學著有人鑑錄養

初堂詩集文徵錄駢體文宜園詩話滁州志以下新修

金望欣字禹谷全椒舉人甘肅知縣精天文算學所著春秋五

紀周易漢唐古義清惠堂詩文詞賦各集俱梓行全椒縣志

金望華字子春全椒文生鹽知事工詩詞著有筆山書屋詩詞

稿全椒縣志

賀彝鼎字典六來安舉人訓導主講建陽書院教士有方著小

漁洋詩集來安縣志

歐陽泉字省堂來安進士蘇州府教授主講泗州夏邱書院著

四書直解點勘記省堂筆記歸雲集習勤軒古文來安縣志

米倬字漢章滁州舉人官福建知縣著有閩中吏治錄味外味

軒詩集辛壬癸甲吟滁州志

王城字伯堅全椒優貢父疾篤刲股和藥以療著有青霞仙館

文詩集香無忝齋詞集工書所臨各楷刻入臚雲仙館集帖中

全椒縣志

戴宗榘字方壺來安歲貢蕪湖訓導著作脫稿人輒取去僅成方壺悔筆雞肋詩集聽鵬館文集來安縣志

按滁州以詩文名者

國朝尚有滁州王煜祭酒著筆耕章廩雲廩貢著西全椒王晉

槐舉人浙江知縣金臺駿增生著篠許頤廩貢著材犀金湏

蘭軒詩文汪烜舉人訓導著補江甲廩生著列岫樓詩朱藜

照舉人著叢雲金珉同知著金石金鎮蕃增生著醒南來安

余慶年舉人著消三余滋歲貢著退余濱歲貢著易學指

和州

唐張籍字文昌和州烏江人貞元中登進士第補太常寺太祝轉國子助教祕書郎公卿如裴度令狐楚才名如白居易元微

之皆與之遊而韓愈尤重之累授國子博士轉水部郎中世謂

之張水部後終國子司業籍詩長於樂府多警句有集十二卷

又有于嵩者少依張巡及巡與許遠起事嵩常在圍中喜讀漢

書張籍常識之年已六十餘能言巡遠事唐書韓愈傳韓昌黎集唐詩紀事

宋杜默字師雄歷陽人師石介介謂其歌篇甚豪嘗作三豪詩

贈之與石曼卿歐陽修並稱廬陵集亦有贈杜默詩宋詩紀事

居詩

沈文通和州人皇祐元年進士本第一人以有官降次名篤學

能文官至翰林學士和州志

徐兢字明叔和州歷陽人善篆書宣和六年高麗入貢請得能

書者至國中於是以兢為奉禮郎充國信使報聘因撰高麗圖

經四十卷還朝後詔給札上之召對便殿賜同進士出身擢知

大宗正事兼掌書學後遷尙書刑部員外郎四庫全書提要 兢
之弟琛以篆名家書史會要 新增

明蔣禮和州人永樂壬辰進士授編修官至左春坊中允致仕
爲人內和外剛門無私謁文譽日著而謙退似不能言歸老十
餘年屏跡公門後學宗爲矩度萬姓統譜

戴重字敬夫和州人崇禎時以貢授湖州推官調廉州詩古文
皆醅潔著有河村集江南通志

國朝張有右號毅軒含山舉人倡明實學精研宋五子書著有榆
青閣詩文集含山縣志

朱良玉字輝山含山諸生下帷攻苦研析經義謂四子書近自
困勉錄外講章率多出入迺折衷羣言要於至是著有四書釋
注大全蘊萃及貫解諸書含山縣志

吳嘉榮字伊桓含山諸生考授州同知以孝聞博學工文尤邃
於詩又嘗得岐黃祕妙活人無算著有查山遺稿含山縣志

吳盛藻字觀壯和州拔貢官至廣東按察司副使其詩文皆惟
意所如罄所欲言而止著有天門詩文集十二卷四庫全書存目 以上舊志

陳廷桂字子犀和州進士由庶吉士改主事歷官奉天府府丞
並有治績居鄉有義行博聞嗜學工詩著有尙書質疑尙書古
今文考證續識小錄香草堂集詩略蔗廊短書歷陽典錄筍根
雜錄歷陽詩圃其宦游則著有神京風土記滇程日記豫章行
記瀋陽于役記江漢行程錄鄖讞隨筆入秦記和州志 以下新修

姚汝頌字嘯岑和州歲貢能詩出入四唐樂府駸駸漢魏著漁
村草堂稿陳廷桂刻之同時舉人孟成儒字蓴菴進士邱超字

抑旃副貢余鑽字貢揚諸生孫茂源字荔田皆長詩古文成儒
尤善駢體並與陳廷桂唱和編為蘭言集陳廷桂年譜

張鳳翎字花村含山廩生工詩著有慈竹蔭春館吟稿柳囊箋
詩集及駢體文集時有易經者字也鳳唐花笠者名鳳池與鳳

翎為含山三鳳含山縣志
唐縉良字紳甫含山進士由庶吉士改山東萊蕪知縣工書畫
能詩著有種菊山房詩草四卷含山縣志

鮑東里字古村和州廩貢敦品敏學有義行著有史鑑摘要便
讀二卷進呈

宣廟御覽外有讀史評十三經章句口訣孔門弟子姓氏考陳檢討四
六補注釀齋詩文稿以子源深官

贈光祿大夫和州志

張開來字引生含山舉人著有補蘿書屋駢體文含山縣志

按和州以詩文名者

國朝尚有和州張森進士有義行著讀易心得二卷鮑蒙貢生著
文集游陳濤文生著深柳讀含山朱家庚知縣著觀蔣新畬
吳紀略廩生著經解要覽六卷以上新增

廣德州

宋查揆號霽山廣德人幼俊敏能文熙甯中升上舍生神宗問
近臣舍選得人否有以江南查揆張汝舟對者後第進士為太
學博士臥病不起陳紆以詩悼之曰舍法得才傳黼展古人馳
譽重賢關萬姓統譜

沈虛中字太虛廣德人宣和中進士官翰林院知制誥天資聰
慧博洽有聞所著有資治通鑑事類左氏國語要略考異國史

要綱桐川集官至吏部尙書時秦檜病帝命虛中草檜及其子

熺制並令致仕續通鑑綱目
萬姓統譜

何太圭字晉之廣德人年十八試禮部第一以文章著名重和

閒爲館職嘗有詩曰茅屋松窗小隱家茶菸漠漠水斜斜簷閒

乳燕未成語庭下石榴爭放花賴有詩書銷白日倦隨車馬走

黃沙林泉舊約好徑去風雨滿江垂釣車又有聯云蜂垂倒世

界蟲集小雷霆仕宦晚亦不偶萬姓統譜

明戴初字復之建平人成化丁未進士性剛介甘貧力學有詩

名歷宰三邑皆以廉稱江南通志

濮陽漢字致昭廣德人嘉靖戊子舉人卒業南雍選授工部司

務奉命往江西遇鄒守益於上清宮講學豁然有悟著有信遊

奇遇錄歷升南戶部郎中廣德州志

韋傑字謙甫建平人以選貢知無極縣觸權閹怒改永平教授

選永州推官所在政聲甚著未幾告歸杜門著述有詩經明辨

十卷北遊草三卷杜律注四卷子大有舉人亦官推官廣德州志

戈維屏字元衛廣德人萬曆辛卯舉人攻苦積學一州英俊多

出其門江南通志

孫振宗字簡伯廣德人萬曆壬子舉人家貧力學善古文詞江南通志

通志

夏儀字長卿廣德人頎然玉立咳唾成文嘗從舅氏韓敬入長

安名動公卿成崇禎辛未進士授中書舍人江南通志

雲一穎字叔含廣德人總角時即能詩善屬文有蒙莊大蘇筆

意隱居不出入山著書於四書詩易書等經及諸子史皆有論

說發前賢所不及又著有問異賦三千餘言廣德州志

王日如字弗如廣德人崇禎己卯副榜好吟詠興到疾書不向世人索解晚遊閩楚所至留題有吟父感遇詩集廣德州志

濮陽長字長公廣德人幼孤事母以孝聞由貢生授教諭辭以母老錢禧楊廷樞沈壽民等咸器重之著有二可堂集亦悅居

草廣德州志

盛於德廣德人篤學嗜古鍵戶著述藏有州志舊本手錄軼事俱極公慎後修郡志多據之廣德州志

史大綱字正之建平諸生性介直重然諾族姓繁衍有不平質之大綱一言立解無訟者四十年好古力學手錄史漢綱鑑諸書皆有評注廣德州志

國朝甯謙字皆吉廣德廩生孝友能文接物藹然隱居教授先德行而後文藝著有留餘堂詩集廣德州志

李柯中字茂林廣德歲貢著有草草草計甫草東為之序廣德州志

夏澍字雨蒼廣德拔貢授襄陵知縣不赴為學以主敬窮理為要著有朱注發明朱注釋義廣德州志

嚴文在字聚東建平人康熙丁酉解元戊戌成進士選庶常授檢討博學能文每一篇出爭相傳誦廣德州志

濮陽模字窗耘廣德人乾隆庚辰舉人事繼母撫二弟以孝友聞著有映劍集從弟慎字徽五拔貢著有木齋集廣德州志

李仁曾字元建廣德歲貢善文工書超逸有奇氣性孝母卒一慟幾絕遂終身患心痛著有篆香集廣德州志

沈嗣進字俊三廣德拔貢以親老絕意仕進著有學庸纂要易精義及筠坡詩草廣德州志

陳錫字菁莪廣德人乾隆丙戌進士授工部主事以母老乞養

歸母偶有怒輒牽衣索果如小兒必母開顏而後止卒後詩文散軼友人濮陽模為輯其遺稿曰桐溪集廣德州志

周夢霞字兆和廣德諸生著有錦如詩略尙友軒詩稿同州有巫蘅字芳洲歲貢著有踞梧吟又廩生濮陽鼎字季晦工詩喜種菊築圃曰晚香卽以名其集廣德州志

王文琴字羹遇廣德歲貢精於易著有雜卦傳直解廣德州志王銀字子和廣德人嘉慶甲子舉人著有燕中草廣德州志以上舊志

王敬恩原名用賓字福波廣德舉人大挑教職咸豐四年署績溪訓導十年從曾國藩於祁門寄家徽州府城陷馳護老母得無恙人稱其孝十一年隨復徽城克安慶保至知州旋卒敬恩豪邁自喜文思敏捷縱橫論議頃刻千言著有福波詩文集廣德州志

六安州

齊何憲字子思廬江潛人博涉該通羣籍畢覽天閣寶祕人閒散逸無遺漏焉任昉劉渢共執祕閣四部試其所知自甲至丁書說一事并敘述作之體連日累夜莫見所遺位本州別駕國子博士南史王

元白朴字仁甫由姑孰徙六安少遭兵亂至親相失自是不茹葷血所著有天籟詞集明甯獻王權譜元人曲凡一百八十有七人朴居第三極推重之朱彝尊曝書亭集

明吳蘭字卿佩霍山人嘉靖戊戌進士為邑令不喜簿書改教授講道自得選直內閣以憂歸不復出著書累數百卷為文冲淡疏暢翰墨尤遒勁有法江南通志

蕭儀字來鳳英山人嘉靖時以歲貢授秀水丞旋以母老乞養

母卒廬墓三年著有五倫指要

六安州志

聶繼皋字恆之六安人畱心墳典工詩文桐城齊維藩孫之台

為評定其稿

六安州志

潘世美字繼美六安人以孝母聞文名藉甚而艱於遇著有楚

游蜀游閩游諸稿子瀚亦工詩

六安州志

國朝戴衡字次宗六安人積學敦行詩文以典贍稱卷帙甚富今

惟竹屏牘稿行世

六安州志

黃曉字秋涵六安歲貢授宜興訓導士林尊為模楷歸田後故

交李應楨工吟咏老而無依曉招與晨夕人推古處所著有虞

淵集二十卷

六安州志

潘彬字兩衡六安人早工吟咏數奇不偶惟卷軸自娛松陵潘

稼堂未為序其詩集以行世

六安州志

楊旻字前民六安歲貢研窮經史善詩畫工草書著有詩文集

六安州志

夏之璜原名晚字湘人六安優貢以孝母聞構惜陰書屋藏書

萬卷手披殆遍運使盧見曾初知六安甚器之後坐事遣軍臺

無肯從者之璜慨然請行往返萬里無難色著有橐中詩稿乾

隆庚子年八十二蒙

恩賜舉人卒年八十六

六安州志

韓范字兩公霍山歲貢考古必探本原讀書必求心得著有四

書理說里塾傳鈔為初學津梁

六安州志

金聲武字以立霍山副貢少以質魯恆百倍其功遂穿穴六經

貫通羣籍著有左傳分國彙編及詩古文集晚任蕭縣教諭卒

於官

六安州志

張繼曾字依言霍山拔貢舉孝廉方正官合肥華亭教諭書摹

黃山谷詩宗陸放翁自選千首付梓曰懷岳堂集六安州志

金奉爵字祿頤英山廩生著有三易演易圖說韻學思問編以

疾早卒人皆惜之六安州志

楊道淵字一涵六安廩生孝友能文著有證是文集同邑沈嵩

字峻岳歲貢下筆千言自成一子晚年司訓涇縣就正者履恆

滿戶六安州志

吳尚字超子六安人學無歧趨惟精讀宋五子書嘗圖寫六十

四卦壁閒日夕玩索有得輒筆之為周易潛書卒年八十餘六安州志

鄭同甸字禹山英山拔貢博通經籍著有春秋提義括柿葉草

堂近體詩及詩餘選六安州志

關元鼎字藻軒六安人乾隆戊戌進士性情淡詩賦文詞不落

時徑常以小華僧自名年二十七端坐而逝所著有詩文集六安州志

陳鏊字鼎三六安人其先自涇縣徙六鏊積學能文章成乾隆

癸丑進士覆試

欽擢一名未

廷試卒人皆惜之六安州志

傅有寬字締象英山廩生博通經史為古文辭多有裨於名教

所著詩文有遺稿藏於家同族傅有錦字天衣歲貢精於音韻

傅有宣歲貢著有四書詳解並詩文集藏於家六安州志

鄧日萃字聚鎬霍山人乾隆壬申舉人文筆奧衍不趨時好性

尤強記有拈僻事發問者能指某書某卷所著有古今文集六安州志

程在嶸字冠雲霍山人乾隆己丑進士知賀縣署宜山又署永
康州所至有惠政乞休歸以年八十四得預千叟宴蒙

州志

恩賜

御製詩草壽杖宮緞表裏等物士林榮之所著有詩文全集藏於家

六安

州志

楊蕤字耦同六安庠生鍵戶課經動必以禮著有五音析譌援
據賅洽足資藝林考鏡

六安州志

張蔚春字茂初六安人嘉慶戊辰舉人祖母喪以毀成疾卒年
四十三著有六官駢萃儀禮集句文選集韻諸書

六安州志

許恩溥字雨堂六安廩生性耽山水有游莫愁湖鳩江後湖諸
什膾炙人口善書工畫卒年僅二十八著有畱紅山館集

六安州志

周仲連字潤民霍山舉人授國子監學正詩文能自成一家霍
之學者多師之所著有行蠹集行世

霍山縣志以上舊志

沈巍皆字舜卿六安進士由編修官御史左遷刑部員外郎歷
主山東灤源六安廣颺山西晉陽書院著有歷代錢譜十三經
注疏精義搜集金石二千餘條補青浦王氏之書名續粹編

六安

州志以新修

鄧宗彝字子裳六安舉人宿州訓導誨諸生以道義助貧乏者
以膏火某生爲人所陷將褫矣力白於學使得雪著有六經匯

要史論詩文集

六安州志

程鴻字心齋霍山歲貢潛心宋五子書作十六箴以自警著有
詩文集三十六卷

霍山縣志

楊景曾字蔭棠六安歲貢博雅工詩善書畫撰文選集記小鄉

重修安徽通志 卷三十九 人物志 文苑
嫺記晚著栗譜詩品書品畫品六安州志

胡勝琦字玉屏英山貢生博覽羣書邃於經學著有水道樂律

等書及聚奎閣文稿英山縣志

王光植字蒔門霍山歲貢博學善詩賦著有稻香書屋詩草霍山縣志

之學

王鳴之字桐階霍山廩生經史子集皆有箋注著易經講案散

齋文稿爾爾軒詩集弟歲貢經之亦工文子宗翼歲貢好心性

同姓名錄蒔坡詩話六安州志

王潯字楚泉六安文生列書坐擁探討殆徧著述甚富梓有古

汪啟英字佑昆六安人生平多義行學問淹雅著有朱陸條辨

經史蠡測忠孝節義四品亦愛廬詩賦草六安州志

余其楚字于翹霍山歲貢懷遠教諭十三經皆手鈔誦之尤精

於易著有易學輯要臚園文集詩集霍山縣志

金蔚藍字岱晴霍山貢生通音律淹貫經史著有棣華堂詩文

集天文圖說地理辨正霍山縣志

聶銘字景西六安文生著有周易說匯尙書最豁解四書口授

錄六安州志

沈炳皆字南熾六安廩生著有開方遺意經文考異十三經音

義指掌六安州志

楊若銑字麗生六安拔貢敦內行性尤恬退著有論孟質疑周

易集解十三經異同攷考工記車制圖攷六安州志

葉鉏字耕雲六安歲貢工詩與程汝夔胡燾等相唱和著有將

就山房詩草旁通奇門之術占驗多中六安州志

按六安州以詩文名者

國朝尚有六安侯清藩增生著性理闡微許嗣容進士順天同

集許前軫嗣容子編修著路樅舉人詩賦雜體後楊用澍

通判著如不英山聞興瑯遠思貢著清以城夢樓詩文彭

中文歲貢著名彭應正交生著錄霍山沈賢仰增生著易金月

桂歲貢著以上新增文

泗州

唐武誼字子思盱眙人咸通中為州從事著有自古忠臣傳二

十卷唐書藝文志

宋周甫字次山泗州人五歲誦論語每舉一字輒引數言後棄

舉子業攻經史百家參政宇文紹節館之以邊功累授官精史

漢所著韓生傳重華臺記石頭城歌皆佳泗州志

明張建節字子行五河人永樂時襲福建都指揮僉事雖以武

顯而篤志詩書畱心翰墨幼工帖括後乃一意攻詩古文詞著

有毛詩問難四卷問漕集二卷續漕政二卷軍政條約四卷楚

游稿一卷樂志園集四卷五河縣志

陳一典盱眙廩生從舅氏馮應京游著有詩文集同時劉景著

有農桑諸書趙儒著有性學源流篇馮世學著有豔林詞府盱眙志

許珍字時聘天長貢生歷任兗州府教授學者稱為靜菴先生

歿後崇祀鄉賢著有太極圖解釋義一卷正蒙分訓注解十卷

律呂新書分注圖纂十三卷天長縣志新

陳克任天長人著有古今彤史蠶桑志百峯系約天長縣志新

戴纓天長人著有日警編橫山集南陔館四書詩經說意天長縣志

增新

國朝施端教字匪莪泗州人以貢為宣城訓導升范縣知縣遷東城兵馬司指揮風雅知名又精六書工草隸著有嘯閣集古詩韻匯唐詩韻匯諸書江南通志

錢世熹字紹文五河人康熙庚戌進士以制藝名一時兼工詩古文秉禮執義不苟合於俗未仕卒家無長物僅有茅屋三間

江南通志

陳天篤字因其天長人生無啼聲家人疑其瘖周歲見杜少陵宣政退朝詩似欲吟哦狀父戲之曰識之乎則頷笑因指首二字問之忽應聲曰天門父駭然知其夙慧後讀書五行俱下成通儒江南通志

韓竹字一韓天長人少穎異好學工文章康熙癸丑進士選庶

常授編修給假歸娶念父母春秋高即移疾里居二十年依然寒素好善不倦鄉里欽之江南通志

戚珥字緩耳泗州人由歲貢教習授知縣著有嘯門詩集同時

李枝芄字莪士泗州衛貢生與戚珥齊名著有西園集又謝楸

樹泗州人著有肩山集周才著有磊園集泗州志

王贊育盱眙歲貢著有易燈詩說農書及蘆瀨詩草子鸚來亦

歲貢著有博山亭集盱眙縣志

李嶼瑞字蒼存盱眙人著有後圃編年詩十六卷續稿十四卷

詞稿二卷王士禎嘗稱其縱橫有奇氣同邑以著述名者張問

名著有周禮考慈崖詩文集潘翰諸生有紀年吟德圃存草高

丙有四書析疑陳文愷有四書正義折衷喬一輿歲貢有大雅

集四庫全書存目盱眙縣志

重刊文徵通志 卷三十九
陳以剛字燭門天長人康熙壬辰進士池州府教授巡撫王紘
薦舉鴻博不遇著作甚富其已刊者有燭門詩五卷詞科掌錄
志

王雲鶴天長舉人著有性理大全纂述芝田詩集天長縣志
以下新修

印兆金字薛裳盱眙歲貢安貧篤學有所得輒筆記之著有老

籐軒詩文集客山隨筆都梁偶記樸言盱眙縣志

王蔭槐字子和盱眙舉人貴池訓導慷慨耽詩與王效成齊名

精於輿地凡郡邑沿革邊疆阨塞瞭如指掌尤諳西北形勢著

有蟻廬詩集盱眙縣志

程虞卿字禹山天長舉人著有五經匯解漕河紀略石梁耆舊

集水西閒館詩集詩評水菘閒舫詩鈔天長縣志

戴蘭芬字晚香天長人道光壬午一甲一名進士授修撰

上詢家世以十四傳秀才對戊子充福建正考官得士最盛庚寅視學

陝甘釐正文體嚴禁弊端諄切諭示士皆感化歷翰林侍讀學

士卒著有望湖軒詩賦天長縣志

丁景南五河人善言易多前賢所未發歲貢王系梁編其書曰

景南談易遺筆景南易鈔五河縣志

邵嶷字湘南五河歲貢孝友尚義著有深柳堂文集耕餘詩草

五河縣志

傅德容字敬山盱眙廩生安貧耽學著半山經說二卷盱眙縣志

鄧賢芬字香圃泗州虹鄉進士江蘇知縣歷寶應元和南匯皆

有聲熟於史事自抒己意剖別幽微著有史論二十四卷虹鄉志

按泗州以詩文名者

國朝尚有泗州尤殿光廩生著桑梓采摭天長胡姚著漁山詩集施

廷琮 舉人著 崇士錦 著 滇吟 黔吟 燕吟 蔚然 拔貢 著 紫葳 王

雨春 舉人著 五河王系梁 歲貢 著 學庸 述義 小

以上新增

詩草

詩草

詩草

詩草

詩草

詩草

詩草

詩草

詩草

詩草

詩草

南來世以十四...

